

Go GOPOLA MORENA

 Ke a go leboga. Morena a go šegofatše, ngwanešu. Ke thabetše go ba ka gare, bošegong bjo, ka go Southside Assemblies of God, go rapela le lena batho, go ipshineng ka kopanelo ye kaone ye yeo ntle le pelaelo le ipshinago ka yona kgafetšakgafetša.

² Go no ba go lapa gannyane. Re be re le tlase bošegong bja go feta ka—ka Tucson, bakeng sa moletlwana tlase kua, gomme ka nnete re bile le na—na nako ya go makatša. Morena o re šegofaditše. Gomme ke be ke phela ka karolong ye botse ya yona, botelele letšatši lohle.

³ Kafao, bjale, ke kopane, ke kwele yo mongwe bošegong bja go feta. Ga se nke ka tseba morwa wa Ngwanešu Carl Williams. Ke be ke le, lehono, ke no ikgantšha ka lesogana le le itšego leo le emeletšego gomme ke be ke bolela ka ra—ra rali ya batho ba baswa. Gomme ke boditše morwedi wa ka. Ke rile, “Bjale, o nyaka go e dira kgwebo ya gago go tsena ka fale.”

O rile, “Ga ke tsebe motho ka kua.”

⁴ Ke rile, “O tla tseba yo mongwe, goba yo mongwe le yo mongwe o tla go tseba. E no ya pele ka gare, go le bjalo.”

⁵ Gomme ke a rapela gore o amogela kolobetšo ya Moya wo Mokgethwa lebakeng la rali ye godimo kua.

⁶ Ke rile, “Lesogana le lekaone lela le emego fale, gomme sefahlego sa gagwe se phadima ka letago la Modimo!” Gomme ke be ke e bušeletša go Billy.

⁷ O ile a no ema gomme a ntebelela, a re, “Papa, a ga o tsebe gore yola e be e le mang?” O rile, “Yoo e be e le morwa wa Ngwanešu Carl Williams.”

⁸ Gabotse, seo, ke—ke a tseba le tšwa go mohlape wo mobotse. Ge le . . . Le a bona?

Ke thabile kudu go ba ka Phoenix bošegong bjo.

⁹ Gabotse, ge go se Ngwanešu Pat Tyler. O tšwa kae lefaseng, ngwanešu? Ke a nagana o kgopetše llifiti, go tloga New York mo. E no ba e ka ba tsela ye e yago.

¹⁰ Ke gopola ke bona Ngwanešu Gene, Ngwanešu Leo, fa bošegong bjo, Ngwanešu Ed Daulton, bontši bja bagwera ba ka go dikologa fa, le Ngwanešu Ed Hooper. Gomme, nna, godimo mo bošegong bjo ke na le mmono wo mobotse wa yo mongwe le yo mongwe, le go kgona go lebelela go dikologa, gabotse.

¹¹ Gabotse, ke ba go lapa gannyane nthathana. Ke be ke eya thata kudu, gomme kafao re—re diiri tše telele. Gomme ke . . .

Mosadimogatša wa ka o rile, “E re, ke a lemoga o thoma go bolela ka segalontšu sa gago sa bobedi.”

Ke rile, “Ke ile ka swanela go bitša go sona nako ye.”

¹² Dinako tše dingwe ge ke bolela, ke ya tlase, go bolela go teba ka mogolong wa ka, gona karolo yeo e ba go baba le go lapa. Ke tla godimo, karolo ya godimo, le go bolela go tšwa fao ntle, ka mokgwa woo. Re no swanela go ithuta mehuta yohle ya dilo ge re no šomela Morena, a ga re, ge re lapa?

¹³ Gomme, nna, ke a holofela bohle ba ke badiredi morago mo. Ge eba ke yona, nna, re thwi go go bolokeng go gobotse bošegong bjo, sehlopha se sekaone bjalo sa banna ba dutše mmogo. Gabotse, seo se nkogopotša tshepišo, gore, “Re dutše mmogo ka mafelong a Magodimong, Kriste Jesu,” moo Madi a Gagwe a re hlwekišago go tšwa go sebe sohle.

¹⁴ Bjale ke ya go leka, ka therešo, go le ntšha ka pela bošegong bjo. Go gopola bjale gore, gosasa bošego, re godimo go Ngwanešu Shores. A leo ke leina la gagwe? [Ngwanešu o re, “Yeo ke nnene.”—Mor.] Ngwanešu Shores, ka Eleventh le Garfield. Yeo ke Assembly of God ye nngwe ntle kua. Ya. Assembly of God kua, le First Assembly of God.

¹⁵ Gomme ka gona ke ya go no theetša mathaka a mangwe a lebakana bjale, go fihla Lamorena le le latelago mosong, ke a nagana, godimo go khonferense. Ke... Re ya go ba le nako ya go makatša. Ke no ikwela gore re ya go ba le nako ye botse.

¹⁶ Gomme morero wa ka go ba mo ke mohuta wa, oo, mohuta wa go sobasoba, le a tseba, go ya go dikologa go thuša lefelo le lengwe le le lengwe, le kopanelo ye nnyane le baena, le go ba le bošego mo le mola, go dira go tsebana. Gomme—gomme mohlomongwe moyo wo monnyane wa tsošeletšo o thoma go ratha batho, gomme ka gona go dira seo go hlahla, se re ka kgonago, go ya ka kua, gomme morago sehloa se segolo. Gomme ke a nagana, Ngwanešu Oral Roberts ke motho nako ye go tliša sehloa ka moletlwaneng Mošupologo wo o latelago bošego. Gomme ke a tseba re letetše nako ye kgolo, le gohle go kgabola beke ka moka.

¹⁷ Kafao le a re rapediša bjale, le go ya ntle mekgotheng, ka magoreng le ditsela tša lepho. Gomme “kgopelang” bona? Aowa. “Ba gapeletšeng.” Ba gapeletšeng, ba gapeletšeng go tla ka gare. Gobane ye e tla ba nako ya go makatša bakeng sa Phoenix go hwetsa ketelo ya yona ye kgolo yeo le... Gomme ke a tseba gore Modimo o a rata ge re le komana, ee, mohlomphegi, ge re le komana. A re... Ke ka baka leo re... ditsošeletšo tše di lego, ke go leka go kopana le maemo, le go rapelelwa, le go ba komana bakeng sa selo se go direga.

¹⁸ Bjale, feela pele re batamela Lentšu, a re boleleng le Mongwadi, ge re inamiša dihlogo tša rena ka thapelo. Bjale ka dihlogo tša rena le dipelo di inamišitšwe go Modimo, ke na le

nnete, ka batheeletšing ba bogolo bjo, fao go tlemege go ba dikgopelo tše ntši. Gomme ge le na le e tee, gomme le rata go gopolwa go Modimo, e no emišetša seatla sa gago godimo, gomme ka morago ga seo, e re, “Morena, nkgopole.”

¹⁹ Tate wa rena wa Legodimong, O tseba se se lego ka morago ga se sengwe le se sengwe sa diatla tše. O tseba se se pekentšego monaganong wa bona, gomme Wena o kgona kudu go araba kgopelo ye nngwe le ye nngwe. Gomme re a rapela gore O tla e fa, Morena. Re kgopela gore kgaogelo ya Gago e tla myemyela godimo ga rena, bošegong bjo, ka tsela ya go tšollela ntle ga Moya wo Mokgethwa godimo ga rena.

²⁰ Le go gopola, Morena, gore, gosasa bošego ka go—go First Assembly of God, gore O tla tšollela ntle ditšhegofatšo tša Gago gape godimo ga rena. Gomme morago godimo ka Ramada, go fetša beke, O Modimo, a nke fao ka mnete makgolo a phološwe. E fe, Morena. A nke go be ye bjalo tšho—tšhologo ntle ye bjalo ya Moya go fihla dikuranta di sa kgone go se sa kgona go homola, eupša ba tla swanela go phatlalatša go setšhaba se se dirilwego. E fe, Morena.

²¹ E no itira ka Bowena go tsebja go batho ba Gago, Morena. A nke dipelo tša bona tša go kokobela di fihlele ntle ka tumelo le go dumela gore re tla amogela dilo tše re di kgopelago.

²² Gona re tla rapela, Morena, bakeng sa bao ba tla ratago go ba fa bošegong bjo gomme ba ka se kgone go fihla fa. Ba a babja le go tlaišwa, gomme—gomme ka maemong a mabjalo gore ba ka se kgone go fihla mo. Re a ba rapediša, Morena. A nke Moya wo Mokgethwa o etele yo mongwe le yo mongwe.

²³ Šegofatša baena ba bao ba tliego ditsela tše telele bjalo go kgabaganya mašemo a aese. Gomme ba bantši ba sa le tseleng, ba etla. Ba šireletše, Morena. Ba tliše ka gare ba bolokegile.

²⁴ Bjale, šegofatša Assemby ye, modiša yo mokaone yo, phuthego ya gagwe, bahlokomelaphahlo ba gagwe, matikone, le tšohle tseo ba di emelago, Morena. Re rapela gore O tla ba le bona le go ba thuša. Bjale re a rapela gore O tla re fa Lentšu la Gago. Re ka kgona feela go Le bala, Morena, le go bala sehlogo. Wena o swanetše go fa bokamorago, gomme re lebeletše go Wena. Leineng la Jesu Kriste. Amene.

²⁵ Ka go pu—pu puku ya Bakorinthe ba Pele, tema ya 11. Ge yo mongwe...O a tseba, ka mehla o rata go bala, goba go maraka fase lefelo, wa re, “Ke...” Mohlomongwe yo mongwe o tla hwetša se sengwe ka morago ga yona seo mohlomongwe ba ka kgonago go kaonafatša go se se boletšwego. Goba, badiredi, gomme dinako tše dingwe maloko, ba e tše, gomme—gomme ba e bala gape, gomme ba theetša se se boletšwego. Makga a mantši ke dira seo, go swaya fase hlogotaba. Kafao ge le nyaka go bala ka morago ga rena bošegong bjo, phetlang go Bakorinthe ba Pele, tema ya 11, gomme re tla thoma go bala go temana ya 23.

Ka gore ke amogetše go tšwa go Morena seo le nna ke le neetšego sona, Gore Morena Jesu bjona bošegong . . . bjoo a ekilwego o tšere senkgwa:

Gomme ge a lebogile, a se ngwatha, gomme a re, Tšeang, ejang: wo ke mmele wa ka, wo o ngwathwago bakeng sa lena: dirang se e be go nkgopola.

Ka morago ka mokgwa wa go swana gape o tšere senwelo, gomme ge a laletše, a re, Ye ke komiki ya testamente ye mpsha ka mading a ka: le direng se, ka mehla ge le se nwa, go nkgopola.

²⁶ Gomme bjale bakeng sa sehlogo, ke tla rata go tšea go tloga fao: *Go Gopola Morena.*

²⁷ Bjale, nnete, e ka ba mang, bohole re a tseba, ka go—ka go kereke ya rena, re bala se go tirelo ya selalelo bošego bjo bongwe le bjo bongwe. Gomme ke se—se—se sehlogo se segolo go bala, goba Lengwalo le legolo mo nakong yeo, gomme le šoma fale. Eupša ke nno nyaka mantšu ao, “Go Nkgopoleng.”

²⁸ Bjale, selalelo makga a mantši e bile ngangišano ye kgolo tlase go kgabola mabaka, gare ga Protestant le Katoliki. Ba re Katoliki e tšea selalelo se, gomme ba se tšea ka dikholofelong gore ba dirile se sengwe go swanelo selo tsoko se sebotse, gore dibe tša bona di tla lebaletwa ka go se dira. Protestant e se tšea go gopola gore Kriste o šetše a ba lebaletše, gomme ba se tšea ka go hlalala gore ba šetše ba lebaletšwe.

²⁹ Paulo o ya pele go bolela ka mo, gore—gore, mokgwa wa go tla tafoleng ya Morena. Ge go na le e ka ba eng ya phošo, e lokiše pele re fihla fale. “Ka gore yo a jago le go nwa a sa swanelo, o ja le go nwela go lahlwa yenamong, ka ge a sa hlaologanye mmele wa Morena.” Gomme bjale re kudu, bontši kudu go ba ka thapeleng ge re tšea selalelo.

³⁰ Eupša ke maketše makga a mantši ge, lentšu lela, re le šomiša feela gabotse, *selalelo*. Bjale, go boledišana go ra “go bolela le,” le a bona, “go boledišana le bona.” Gomme ke a makala ge eba ka kgonthe, ge re kopana mmogo ka mokgwa wo ka mafelong a Magodimong, ge seo e se selalelo, gore re boledišana le Modimo, re bolela le Yena.

³¹ Gomme, gona, ge re ka no dula tuu gomme ra Mo dumelela go re araba morago! Dilo tše dintši, le se sengwe sa dilo tša go šiiša tše ke di dirago, ke leka go dira polelo yohle, gomme—gomme ke sa dule botelele go lekanelo go Yena go nkaraba morago. Re dira seo makga a mantši kudu ka thapeleng. Ke nagana ge re ka tloša pelong ya rena se se lego ka go yona, le go itlhagiša renabeng go Morena Jesu, gomme ka gona ra no khunama, gomme ra no homola lebakana gomme—gomme ra no bona se A bego a tla se bolela morago go rena. Le a bona?

³² Gomme dinako tše dingwe ke dirile seo, gomme kgopololo ya ka ka moka e ile ya fetolwa, le a bona. Ke tla ya go Mo kgopela se sengwe, “Bjale, Morena, batho ba, ka kgonthe, ba ne se sengwe. Ke—ke a dumela ba nnyaka godimo kua.” Gomme ke tla no thoma go rapela, gomme selo sa pele le a tseba, ke—ke nno kgotsofala gore yeo ke thato ya Morena; eupša, ka morago ga ge ke rapela, ge ke no—no dikadika lebakana le lennyane, le a bona, ka gona e a fetolwa, ka moka mmogo, dinako tše dingwe, e romelwa felotsoko gape. E no boledišana le Morena. Oo, a kopanelo ya letago, go no ya tlase le go bolela, le go boledišana, le go Mo letela go bolela morago.

³³ Gomme go nagana ka Motho yo mogolo yoo a bolelago le yena, Mohlodi Yenamong, le go boledišana le Yena Yo a beilego bophelo bja gago ka go molora wo wa bolekhenoo o phelago ka go ona. Gomme ka gona letšatši le lengwe o tla swanela go tloga fao, gomme ka gona e ka diatleng tša Gagwe moo e yago go tloga fao go ya pele. Gomme o na le monyetla bjale go dira kgetho ya gago ke tsela efe soulo yela e yago ge e tloga.

³⁴ Gomme a selo sa go makatša go boledišana le Yena godimo ga motheo wa ditshepišo tša Gagwe, gona Mo kweng a le boledišana morago go wena, gomme a re, “Gohle go lokile.” Nna, seo—seo ka kgonthe se e hlagiša gabotse. Ga ra swanela go lebelela go thutotumelo e ka ba efe. Ga ra swanela go lebelela go—go dithutotaelo e ka ba dife. Selo se nnoši re swanetšego go se dira e no ba go tseba gore O hlatsela Lentšu la Gagwe morago, gore e rarolotšwe, gomme seo ke ka moka ga yona. Ka gona morwalo o a tokologa go tloga.

³⁵ Ke naganne go tla go tafola ye, yeo re e bitšago bošegong bjo, bjale gore ke ne yona e hlagišitšwe gore e no ba selalelo se sentši fa bjalo ka ge go tla be go tšea se re se bitšago selalelo sa Morena.

³⁶ Le a tseba, bona batho ba bohlabela morago kua ba na le selo sela sohle se hlakahlakane, gomme—gomme nka se kgone go ba otolla go sona. Gomme gohle godimo ka leboa, ba ntseela gona ge ke eya selalelong, gomme ba re ke matena. Ke—ke... Ba re ke difihlolo, le dijo tša mosegare, le—le—le—le matena. Bjale, selalelo sa ka se tsena kae? Ke leka go hwetša. Le a bona? Gomme ba re, “Oo, yeo ke phetho.”

³⁷ Ke rile, “Eupša go be go se, ga se re tšee matena a Morena. O se biditše selalelo, selalelo sa Morena.” Gomme ke ikwela gore ke hlailwe ke dijo, ge le se bitša, le thoma go se bitša ka tsela yeo.

³⁸ Eupša bjale ge re etla mmogo ka tsela ye, fao Modimo o a theoga. Gomme ta—ta tafola ya selalelo ke, gabotse, go ngwathwa, o robilwe, mebele ya Mmele wa Morena woo re o aroganago magareng ga rena. Bjale, woo ke Mmele wa mmakgonthe, wa bo—bo borotho bjo re bo ngwathago, bo emela Mmele wa Kriste.

³⁹ A le hlokometše ka Letšatši la Pentecost, a selo se segolo re nago naso kua? Gore, Modimo, Yo a etilegopele bana ba Israele go kgabola lešoka, Yena, Pilara yela ya Mollo ye kgolo. Gomme ka Letšatši la Pentecost, Mollo wo mogolo wo o wele, gomme morago wa ikaroganya ka Bowona magareng ga batho ba Gagwe. Oo, go nagana ka fao A nyakago re dula mmogo mafelong a Magodimong, gona, yo mongwe le yo mongwe o ipshina ka borutho bjola bja Mollo wa Moya wo Mokgethwa. “Maleme a maphakga a dula godimo ga bona bjalo ka Mollo, malakabe a Mollo,” Modimo a ikaroganya ka Boyena magareng ga Kereke. Oo, a seo se ka se ke, go le bjalo, go no bea dipelo tša rena di eswa. Moo ke ge re ka kgona go tla mmogo ka mafelong a Magodimong.

⁴⁰ Bjale, re tseba gore tafola ya Gagwe, moo batho ba dutšego mmogo le go boledišana le Yena, e bjalo ka sediba mo leganateng. Gomme sediba sa leganata, ka leganateng, moo go lego mothopo wo mogolo, moo basepedi ba ba lapilego ba tlogo le go dula tikologong ya sediba sa leganata ka leganateng, gomme—gomme ba itapološa bonabeng, gomme morago go gopola ka fao e fihlilego fale.

⁴¹ Gomme ke ka tsela ye go lego ka Kerekeng, gore, tafola ye ya selalelo moo ditšhegofatšo tšohle tša Modimo, Ebangedi ya go tlala, se sengwe le se sengwe seo Modimo a nago le sona bakeng sa Kereke ya Gagwe, se tlišwa ntle, se beilwe ntle magareng ga rena. Gomme go bjalo ka—ka sediba sa leganata ka go le la go fiša, la go tuka, leganata la sebe le re sepelago go le kgabola. Gomme ka gona ge re etla ka gare, le go bolela ka, re bala mmenyu, gomme morago re bona gore O retologela morago go dikologa, gomme Yena ga se yo monana go tšwa go se, goba yo monana go tšwa go sela, goba se se rathile, eupša O a swana maabane, lehono, le go ya go ile. O na le se sengwe le se sengwe mo mmenyung, o loketše go se fa ntle. Yeo ke karolo ye botse. Gona re ka no lebelela godimo ga mmenyu gomme ra no tšea selo ka moka. Ke no rata go, ke rata tsela ya go felela, a ga le? Ke no rata go e tšea.

⁴² Gomme ge re sa ipshina ka ditšhegofatšo tše, yo mongwe le yo mongwe o ikwela Bogona bja Gagwe, le go re, “Amene. Tumišang Modimo! Haleluya!” le go ya pele, ka gore re kgona go elelwa yo Motee yo a go tliša go rena le go e dira e kgonege, lehu la Morena Jesu Kriste, Morwa wa Modimo. Mo gopoleng. Ke a nagana seo ke se, makga a mantši, gore mohlomongwe re ipshina ka ditšhegofatšo tše ntši kudu, gore re lebala feela mo di tšwago.

⁴³ Nako ye nngwe ke ile ka makala. Ke ile le sehlopha sa Bakriste ba kereke ye e itšego, gomme ba dutše fase go ja, gomme ba se tsoge ba bušetša ditebogo go Modimo, bakeng sa dijo tša bona. Gabotse, ke naganne go be go le mohuta wa go tlabu. Gomme ke ile ntlong ye nngwe, gomme bona, le bona, ba nno ya pele le go ja. Gomme ke—ke e botšišitše. Gomme ba rile,

“Oo, gabotse. Seo e no ba . . . Modimo o no fa seo, go le bjalo. Le a bona?”

⁴⁴ Ke rile, “E nkgopotša ka ga kolobe ka tlase ga mohlare wa moapola, le a tseba. Diapola di tla wa, le go mo itia hlogong letšatši lohle botelele; a ka se tsoge a lebelela godimo, go bona mo di tšwago.”

⁴⁵ Gomme seo, le a tseba, rena, ke nagana go a re putsa go ema le go lebelela godimo, go bona moo dilo tše di tšwago gona. Oo, go letago bjang go gopola Morena wa rena, go elelwa tšohle A re diretšego, le go elelwa gore go be go se yo mongwe gape a ka kgonago go dira se go kgonega. Ga se gona se ka go se dira go kgonagala eupša Morena wa rena. Gomme O se dirile ka go lokologa, ge go be go se motho wa maswanedi; go be go se moprofeta, go be go se mohlomphegi, go se mmusi, go se mookamedi, go se kgoši. Ga go yo motee a bego a ka kgora go e dira eupša Morena Jesu, ka Boyena, gomme O e dirile ka go rata go rena. A re nong go elelwa. O e diretše bana ba Gagwe tlase go kgabola lebaka.

⁴⁶ Bjale a re nong go bolela dinakwana di se kae ka se sengwe seo yo mongwe a tla se elelwago. Ke tla eleletša, godimodimo ka Letagong bosegong bjo, go ne monna ka leina la Noage, gomme ka kgontha o na le bontši go gopola Morena bakeng sa bjona. Ka gore ka nako ya ge Modimo a be a eya go fediša bobo bjhole go tloga sefahlegong sa lefase, Modimo o ile a elelwa Noage. Gomme Noage o elelwa ka fao a phonyokgilego bogale bja Modimo, ka kgaogelo ya Modimo. Ka fao gore me—me meetse a magolo a thomile go elela go theoga mekgotha, gomme diphefo di ngautše, gomme maswika a tlogile dithabeng! Gomme a ledimo le lešoro! Mengwako e fefotšwe, gomme methopo e thubegile, gomme Modimo o bile le Noage ka gare ga areka. Bjale, ge leo e se lefelo la go makatša go Mo gopola ka lona, ya, ee, go ba ka gare ga areka, go bolokega ka go lotega ka Bogoneng bja Modimo, go phela le Yena!

⁴⁷ Gona re ka bitša sehlopha se sengwe sa batho, goba bonnyane nka re ba bararo, gomme ba be ba bitšwa Sadirake, Meshaka, le Abedinego. Ka fao gore ba tšere go emela Modimo ga bona, go gopola gore O boloka tshepišo ya Gagwe! Le ka fao gore, ka go iri ye kgolo ye, ka baka la go ema ga bona, le baena ba bona beng, ba bantši ba bona, ba retologetše lefaseng. Eupša ba be ba eya go ema, go sa kgathale, gomme ba tšere go emela Modimo. Gomme ge leuba le be le bešeditšwe makga a šupago go fiša go fetu le kile la ba peleng, gomme ba be ba kgoromeleditswe ka leubeng le.

⁴⁸ Gomme ka kgontha ba kgora go gopola Monna yola wa bone yoo a bego a le ka fale le bona, yoo a thibilego phi—phi phišo yohle le lehu go tloga go bona. Go ne se sengwe ka ga Monna yola wa bone. Nka no bolela ka Yena nakwana, ee, mohlomphegi, ka

fao gore O be a le Yena a nnoši a kgonnego go dira seo go kgonega. Go be go se motho yo mongwe a bego a ka kgona go e dira eupša Monna yola wa bone. Gomme O be a le Yena yoo a filego bophelo, ka go mehlagare ya lehu. Amene. Gomme O—O thibile dikgabotša mollo, gomme a ba boloka. Gomme, oo, ge feela go ka ba le kelello, gomme e ka se tsoge ya timelela ntle, gore ba kgone go elelwa letšatši le legolo lela tlase ka Babilonia.

⁴⁹ Go be go le monna yo mongwe tlase ka Babilonia, a ka kgonago go elelwa le yena, gomme yoo e be e le Daniele, ge a rerile ka pelong ya gagwe gore o be a sa ye go itšilafatša ka boyena ka dilo tša lefase.

⁵⁰ Seo ke go ema go gobotse go go tšea. Fao ke mo rena batho re swanetšego go tšea, mokgwa wa go tlema godimo dibetša go swinelela gannyane. Yeo ke yona. Ga re ye go itšilafatša ka borena ka dilo tša lefase, ga go kgathale se kereke ye nngwe e se dirago. Renabeng, re ya go e gatelela pele. Re ya go dula thwi le Lentšu lela.

⁵¹ Ga go kgathale ke eng e tlagi goba e sepelago, ga re itšilafatše renabeng. Ge ka moka ga bona ba nyaka go e dira, eyang pele le go e dira. Ge bona basadi ba nyaka go ripa moriri wa bona, ba tlogeleng ba o ripe. Ga re. Yeo ke nnete. Ge ba nyaka go apara manekure, a nke ba sepele. E ka ba eng dilo tše di lego, pente, a nke ba ye pele le go e dira. Ga re ye go e dira. Ge ka moka ga bona ba re ba ka kgoga disekerete gomme ba feta, gabotse, ba lese ba ye pele. Eupša ga re ye go e dira. Yeo ke phetho. Uh-huh. Ka moka ga bona ba ka kgona go ya gae, ba phatlalatša sekolo sa Lamorena—sa Lamorena ka pela, bakeng sa lenaneo la thelebišene, goba Laboraro bošego, go tlogela tirelo ka moka bakeng sa lenaneo le le itšego. Ga go kgathale se ba se dirago, re ya go hlankela Morena.

⁵² Re ya go tšea lefelo boka Joshua, “Bakeng sa ka le ntlo ya ka, re ya go hlankela Morena.” Re elelwa se A se dirilego go tliša tšhegofatšo ye go rena, gomme re e tlotla kudu gore re ka se kgone go e tšilafatša ka tsela e ka ba efe. Ke lefa la Bophelo bjo Bosafelego le re nago nalo, gomme rena ga go ka mokgwa wo mongwe re nyakago go itšilafatša ka borena ka dilo tša lefase, le gatee.

⁵³ Gomme Daniele o rerile ka pelong ya gagwe selo sa go swana, le ge a bile modudi fale; eupša e sego ka kgetho ya gagwe, ka gore o be a le modiiledi. Gomme Mokriste yo mongwe le yo mongwe a tswetšwego gape ke modiiledi feela ka pela ge a tswetšwe gape, gobane o tlementšwe tša Legodimong. Lefa la gagwe—la gagwe le robetše Legodimong.

⁵⁴ Gomme fa nako ye nngwe ya go feta, mosadimogatša le nna, e ka ba mengwaga ye mebedi ya go feta, e be e le... Ngwanešu Mercier le bona ba be ba eba le go ragwa go tšwa go se, go ka bolela. Re be re le godimo go mabenkeleng. Gomme

ka go toropokgolo ya rena, ke . . . Oo, go ne batho ba bantši ba bodumedi, ba bitšwago bjalo. Eupša re bone mo—mo mosadi yo a bego a apere sekhethe, gomme e be e le selo sa go se tlwaelege kudukudu, gobane ga go le o tee wa ka moka ga bona a bonagetšego go ba le yena. Gomme—gomme kafao re tseba ba bantši ba bona ba ba opelago ka dikhwaereng le se sengwe le se sengwe. Gomme . . . gomme kafao re . . . Mosadimogatša wa ka o rile go nna, o rile, “Gabotse, gobaneng?”

⁵⁵ Gomme ke rile, “Gabotse, o a bona, ga se bona—ga se bona ba bodulo bja rena.”

O rile, “Eng?”

Ke rile, “Aowa, ga se ba rena . . .”

O rile, “Ke bona Maamerika, a ga se bona?”

⁵⁶ Ke rile, “Kgonthe. Ke bona Maamerika. Seo se ka no ba therešo go lekanelā.”

⁵⁷ Ke hwetša go eteng, ka go maboromiwa, ka go boromiwa le go dikologa lefase, Ke ya ka gare go—go Jeremane, go na le moyā wa bosetšhaba, o bitšwago, ke moyā wa Sejeremane. Ke moyā wa setšhaba. Ke ya godimo ka Switzerland, ke a hwetša, e no ba banešu, gabotse go bolela leleme le le swanago, eupša fao go moyā wo mongwe. Le a bona? Gomme ke moyā wa go fapanā ka Switzerland. Ka gona ke tla godimo ka Finland, ka moka ke moyā wa go fapanā. Morago ke tla Amerika, go ne moyā wa Amerika. Yeo ke nnete.

⁵⁸ “Gabotse, o re, a ga re . . .” O rile, “A ga se rena badudi ba Amerika? Gobaneng e le gore batho ba rena, *bjalo le bjalo?*”

⁵⁹ Gomme ke rile, “Gabotse, o a bona, hani, o a bona, setšhaba se sengwe le se sengwe se a phela, mo moyeng wa setšhaba. Woo ke moyā wa bosetšhaba.”

⁶⁰ O rile, “Gabotse, gona, a re ka se phele ka moyā wa Amerika?”

⁶¹ Ke rile, “Oo, aowa.” Ke rile, “Re tswetšwe gape. Re phela ka Moya wa Legodimong, moo bokgethwa, toko.”

⁶² Gomme rena, ga se rena Maamerika, bokgole bjoo seo se yago, gobane Amerika e no ba setšhaba sa lefase. Eupša ge monna wa Jeremane, wa Switzerland, goba e ka ba kae a ka bago, ge a tswalwa ke Legodimo, o tše Moya wa Legodimong. Gomme tlhago ya gagwe le tlhamego ya gagwe di lebelela go dilo godimo, moo Kriste a dutšego ka seatleng se setona sa Modimo. Amene. Oo, re swanetše go elelwa seo bjang, gore O hwile gore re ke re kgone go hlamišwa go tšwa go selo se, go hlabelwa. Yeo ke nnete.

⁶³ Semela se sebotse sa go phelega ga se . . . Ga o hloke go peita semela se sebotse sa go phelega. Dithwakga di ka se tsene godimo ga sona, go le bjalo. Yeo ke nnete. Ga go dithwakga tše di ka tshwenyago semela sa go phelega. Ke mohuta wola

wa moganyaganyane woo o swanetšego go fothelwa nako yohle, mohuta tsoko wa taba ya motswako. Gomme ke ka tsela ye go lego lehono. Re swanetše go fothela le go bea kereke bontši kudu. E swanetše go ba motho wa makgwakgwa wa Kriste, a hlatswitšwe ka Mading a Jesu Kriste, le go tswalwa ke Moya wa Modimo. Gomme dithwakga tšohle tša lefase di a šwalalana. Ebile ga di ebele, go le bjalo. Seo ke bošoro gampe, eupša ke a holofela e swere. Ke mohuta wa tlhagišo ya go befa, eupša le tseba se ke bolelago ka sona.

⁶⁴ Oo, ka fao Daniele, le go rera seo ka pelong ya gagwe, a ka kgona gabotse go elelwa moputso. Gomme letšatši le lengwe re tla elelwa moputso, le rena. Kafao ge a etla go elelwa seo, ka go iri ya tlalelo, Modimo o rometše Morongwa ka go legolo la ditau, le go tswalela molomo wa ditau, gore di se kgone go mo tshwenya. A mogopolo go nagana ka wona! Yena, o lahletšwe ka legolong la ditau, ka gore o be a rerile ka pelong ya gagwe go direla Modimo, gomme o be a kgona go gopola seo. E ile bjang? Se sengwe boka se, “Modimo o rometše Morongwa wa Gagwe. O bone go hloka molato ga pelo ya ka.” Oo, ke lena bao, go hloka molato ga pelo ya gago. Modimo o kgonne go bona seo ka go Daniele, le morero wa gagwe go dira se se bego se lokile, gomme O rometše Morongwa wa Gagwe gomme o thibile ditau go mo tshwenya le gannyane. A mogopolo! Re ka kgona go ya pele le pele, ka seo.

⁶⁵ A re nong go elelwa motho yo mongwe thwi mo, goba sehlopha sa batho, seo ke Israele. Ge Israele e beile lefelo la bona, bonabeng leemong, go tšea go emela Modimo. Gomme go be go etla morongwa wa lehu bošego bjo bongwe, yoo a bego a eya go tšea leitšibolo la ngwako wo mongwe le wo mongwe. Le ka fao gore Israele ebile e laetšwe go gopola gore madi a be a le lefelong la mojako. Seo e bile selo se se swerego morago bogale bja Modimo, le go dula fao, bona ba phela, e be e le madi godimo ga mojako. E be e le segopotšo. Gomme sona, ka mehla, e sa le segopotšo, madi mo dijakong le mo dijakwaneng. A bošego bja segopotšo bo bego bo le! Gomme bo be bo swanetše go diragatšwa go theoga go kgabola ma—ma mabaka ao a bego a etla, gore Modimo, bosegong bjoo, o dirile phapano gare ga baloki le ba ba sa lokago.

⁶⁶ Oo, ga ke tsebe ge eba e tla ba bošego goba aowa, eupša fao go tla letšatši ge Modimo a eya go laetsa phapano gare ga baloki le ba ba sa lokago. Gomme e tla ba segopotšo go rena, go tseba gore Madi ka kgontha a godimo ga dijakwana le kota ya mojako. Gomme kae kapa kae o lebelelago, goba kwešišo ya gago; o lebelela ka mahlo a gago, gomme o bona ka pelo ya gago. Yeo ke nnete. Le tla elelwa le lebeletše ka Madi a Morena Jesu, tsela ye A bego a tla lebelela ka yona. A nako! Ba be ba . . .

⁶⁷ Israele e bile le selo se sengwe ka mehla ba kgonnego go se gopola, gore ge ba tšere kgato ya bona godimo ga se ba se kwelego Moshe a se bolela, moprofeta yola yo mogolo a hlatsitšwego ka

Lentšu la Modimo, gomme ge ba tšere go ema ga bona go matšha. Ka gore, ba bone Modimo a hlatsela gore molaetša wo a bego a o tliša e be e le therešo, gomme e be e le go ya ka Mangwalo, gomme Modimo o be a na le yena. Gomme o kopane le yo Motee Yo a bego a se ne leina, o biditšwe KE NNA. O be ka kgonthe a kopane le Yena, gobane ba be ba Mmone a šoma le Moshe.

⁶⁸ Gomme ka gona ba be ba na le segopotšo se sengwe se segolo, gore ge ba be ba thoma ka go matšha, fao go ile Pilara ya Mollo pele ga bona, go hlahla tsela. A mogopolo wo ba bego ba kgona go nagana ka wona, selo sa segopotšo, gore ba be ba sa nyake khamphase. Amene. Ke boletše eng? Ba be ba sa hloke khamphase. Ba bile le Seetsa sa Modimo go ba etapele.

⁶⁹ A segopotšo se bilego go banna ba bohlale, ka fao ba sa hlokego khamphase, gomme Naledi e ba hlahlile.

⁷⁰ A segopotšo se lego go rena lehono, go ba le Moya wo Mokgethwa go re etapele; e sego thutotumelo ye e itšego, goba fešene ye e itšego, goba se sengwe go re etelela pele, goba selo se sengwe sa madirwakemotho. Eupša Moya wo Mokgethwa o tla ka gare ka kota ya go tlemelela ya Lentšu, le go tiišetša Lentšu la Gagwe, le go netefatša gore ke—ke therešo. A segopotšo go dipelo tša rena, go tseba gore Modimo wa go phela o sa phela. Oo!

⁷¹ Go Mo gopola, se A se dirilego, go ba etapele tsela yohle go ya nageng ya tshepišo, ka tsela ye.

⁷² Eliya o bile le selo se segolo go gopola Modimo ka sona, ge a dirile mošomo wa gagwe, tlwa se Modimo a mmodišego go se dira, go laela pula, ebile le phoka go se we go fihla a e bitša. O ile godimo le go dula fase kgauswi le noka ya Kerithe, ka fale. O dutše fale bakeng sa nako ye yohle. O kgonne bjang go elelw seo! O be a eya go hwetša dijo bjang, go kgabola mengwaga ye? Eupša Modimo o mo diretše ka magokubu. Modimo wa Legodimo! Ga go potšišo, “Ke kae moo magokubu a hweditšego dijo?” Ga re tsebe, ga re kgone go bolela. Selo se nnoši, seo a nnogo se tseba, o nno ikgafela yenamong go Lentšu la Modimo, se A mo tshepišitšego. Gomme Modimo o hlokometše ka moka ga yona.

⁷³ Seo ke sohle re swanetšego go se dira. Baena, seo ke sohle re se hlokago. Go no Mo tšea lentšung la Gagwe. O ya go e dira bjang? Ga ke tsebe. Eupša, le a bona, re leka go lahlela dikgopolole tša rena beng, gomme fao ke mo re hlakahlakanyago.

⁷⁴ Go ka reng ge a ka be a rile, “Nokana ye nngwe ye go theoga thaba e tla no ba gabotse, gobane e ne meetse a mantši ka go yona”? Huh-uh. Aowa.

⁷⁵ Go ka reng ge Abraham a ka be a naganne gore o swanetše go tšea Sodoma? Go ka be go se gwa direga gabotse. Eupša Abraham o tšere tsela ye Morena a mo hlahletšego, tshepišo e tee ya gagwe a bego a swanetše go e swara.

⁷⁶ Eliya o kgonne go elelwa ge a dirile tšohle a kgonnégo go di dira. O—o kgadile bohole ba—ba basadi ba letšatši leo, bao ba lekilego go bapela le mohumagadi wa pele, mosadimogatša wa mopesidente, le—le dilo tšela tšohle tše a—a di kgalemilego. Gomme—gomme ba mmuditše wa kgale, ke a thanka, feela wa kgale, moisa wa mohuta wo bonolo. Gomme o ile, eupša o dirile tlwa se Modimo a mmoditšego go se dira. Gomme ka gona go tlie go makgaolakgang, moo a rilego, “A re boneng ke sefe, dilo tše, di lokile. Bjale, le bitša baprofeta ba—ba Baali godimo fa, gomme—gomme le bitša baprofeta ba gagwe. Gomme a nke ke bitše Morena.” Oo, a makgaolakgang, ge a tsebile Lentšu la Gagwe le e tshepišitše.

⁷⁷ Re ka bolela eng lehono bjalo ka Bakriste, ka pele ga Bobuddha, Bomohammedan, goba e ka ba eng gape? “A re boneng Modimo ke mang.” Amene.

⁷⁸ Nako ye nngwe ya go feta, tlase kua ka India, moo re bego re le ka—ka kopanong, gomme fao go be go le batho ba bantsi, eupša ba bane goba ba bahlano ba tla sefaleng. Gomme go be go se tsela ya go akanya ke batho ba bakae ba bego ba le fao. Gomme ke rapeletše molephera yo monnyane. O be a se ne matsogo, gomme ditsebe tša gagwe di llwe go tloga, le dinkonana tše nnyane. Gomme o be a leka go nkogkara, gomme ke mo gokaretše, le go rapeala le yena. Morena o mpoditše se se bego se fošagetše ka yena, le—le ka bophelo bja gagwe.

⁷⁹ Gomme—gomme ke kgonne go bona Boraja le bale ba dutšego ntle fale. Ba rile, “Seo ke go bala monagano, le a bona.” O be o ka kgona—o be o ka kgona go e bolela, ka tsela ye ba bego ba nagana, se ba bego—se ba bego ba eya go se bea morago go nna.

⁸⁰ Letšatši leo, ke be ke thabišwa ka tempeleng ya Majain, moo go bego go le e ka ba lesomešupa la mabodumedi a go fapania ka fale, gomme yo mongwe le yo mongwe wa bona kgahlanong le Bokriste, gomme, “Go be go se selo go Bokriste.”

⁸¹ Eupša, bošego bjoo, Modimo o fetotše lenaneo. Re thomile go bala go tšwa mmenyung, ka mothopo wa Gagwe. Kafao Moya wo Mokgethwa o thoma go utolla. Gomme morago ga nthathana, Moindia o tlie kgauswi, gomme o be a foufetše. Ke rile, “Monna o foufetše. Bohle re kgona go bona seo. Eupša ke monna yo a nyetšego. O na le barwa ba babedi.” Ke rile, “Ke tla peleta leina la bona. Nka—nka se kgone go le bitša.” Gomme seo e be e no ba nnete tlwa. Ke—ke kgonne.

⁸² Bona ba ba ba bitšago banna ba bakgethwa, le bohole ba bona ntle kua, le bona baprista ba Mohammedan, gomme ba dutše ntle kua. Gomme kafao ba—ba tsebile nako yeo, ba naganne ke be ke bala monagano wa bona, go bala monagano.

⁸³ Gomme kafao ke diregile go lebelela morago, gomme monna yo wa sefolu, feela pono godimo, o be a eme fale a ntebeletše. Oo, nna! Le a tseba, mohlanka wa Modimo, Moya wo Mokgethwa, o

be o šetše o tlišitše . . . se mmenyu o se ngwadilego, le a tseba. Ke a tseba se be se loketše go solwa.

⁸⁴ Ke rile, “Bjale, ba be ba mpotša lehono gore bodumedi bja Mohammedan ke bjo bogologolo lefaseng, le ba Buddha, le bohole.” Ke rile, “Bjale, ke nyaka ba bangwe ba lena baprista ntle kua, baprista ba Buddha, baprista ba Mohammedan, etlang le fe monna yo pono ya gagwe, kgonthe, bjale, ge a—a le yo mogolo kudu. Monna yo ke morapedi wa letšatši. Gomme bohole re a tseba, rena ba re dumelago gore o be a le phošo, o rapetše tlholo sebakeng sa Mohlodi.” Ke rile, “O be a le phošo, gomme re tseba seo. Eupsa,” ke rile, “ka kgonthe Modimo yoo a lego Mohlodi; gomme monna o rata go tla le go hlankela Mohlodi yola; ka kgonthe O komana go iponagatša Yenamong.”

⁸⁵ Bjale, ke nyaka go bolela se sengwe. Nka be ke se ka bolela seo le ka mokgwa ofe ge nkabe ke se ka bona pono yela. Ke tsebile bokaonana go feta seo. Le a bona, seo ke se re sa se nyakego, go ya go tšea o ka re. *Go tšea o ka re go ra* “o batamela ntle le maatlataalo.” Ke ka baka leo re nyakago go hlokomela ge o re ke O RIALO MORENA, e sego feela kgopolu, eupša se sengwe o se tsebago ka kgonthe, phosithifi, Morena o se boletše. Gomme ke ikwetše go homotšega kudu ka go bona pono, ke tsebile ga se nke ya šitwa.

⁸⁶ Gomme ke rile, “Bjale, mo—mo . . . Ge monna yo a le phošo . . . Bjale, Bomohammedan ba re o be a le phošo, gomme ka gona le dira mo—mo—mo Mohammedan. Ka gona, Buddha o tla re o be a phošitše. Gomme Masikh, le Majain, le eng gape, bohole ba tla re o phošo. Eupsa ka kgonthe go ne Nnete felotsoko.” Oo, nna! Oo, a selo sa letago! Ka gona ka re, “Bjale, yo Motee yo a tlago go mo fa pono ya gagwe, o tshepišitše gore o tla direla Modimo yoo.”

⁸⁷ O ile a foufala, go tšwa go lebeleleng letšatši, ka gore e be e le modimo letšatši. Le a bona? Gomme o naganne seo se pateletše tsela ya gagwe ka Legodimong. Bjale, re kgona go gopola Kriste, gore O—O tlaišegile go se bee mahlo a rena ntle, eupša go re fa go bona. Le a bona? Kafao gona, gomme ge . . .

⁸⁸ Ke rile, “Bjale, Yena yoo a tla tlago le go tšweletše se, ke tla latela sehlotshwana sela.” Ke rile, “Ke tla hlankela Yena yoo a mo fago go bona ga gagwe.” Gomme seo e bile sehlapha sa go homola kudukudu nkilego ka se kwa. Ga go yo a boletšego. Ka gona ke rile, “Gabotse, moprista wa Mohammedan šole ntle kua bjale, gabaneng o sa tle wa mo fa go bona ga gagwe?” Ke rile, “Gobaneng? Ke ka gobane ga o kgone. Gomme le nna nka se kgone. Eupsa Modimo wa Legodimo o tsošitše Morwa wa Gagwe, Jesu Kriste, Yo a mpontšitšego pono gonabjale, gore motho o ya go amogela go bona ga gagwe. Ge go se bjalo, gona ke nna hlatse ya maaka ya Kriste yo. Gomme ge a dira, gona ke nna hlatse ya therešo ya Gagwe. Gomme o swanetše go amo . . . Le swanetše

go sokologa, goba le swanetše, ge le... goba le tla senyega ka go dihlopha tšeō le lego ka go tšona bjale.” A nako! Gomme ke rile, “Bjale, ge yeo e le maaka, gona le swanetše go mpea ka sefaneng gomme le nthomela morago United States, le go se tsoge la ntumelela ka mo gape.”

⁸⁹ Oo, eupša ge Modimo wa rena a tlie tiragalang! Monna, ka pela ge ke mo rapeletše, o kgonne go bona gabotse ka fao ke kgonnego. A kitima gomme a swara meyara wa toropokgolo go dikologa molala gomme a thoma go mo gokara. Gomme, gobaneng, re be re le e ka ba diiri tše nne. Ke be ke se na le dieta, go se dipotlana ka jaseng ya ka, gomme sešole se be se sa kgone go ba swara morago, gomme e be e le semenyamenya. Gomme le swanetše go bona se....

⁹⁰ Eupša e be e le eng? Modimo yo a swanago, Modimo yo a swanago yo a kgonnego go bitša mollo, a tliša mollo fase, go tšeā go tloša sehlabelo sa Gagwe; a ka kgona go tliša Moya wo Mokgethwa wa Gagwe, go tiiisetše Lentšu la Gagwe, gore Ke Therešo, ge feela o na le nnete gore seo ke Therešo.

⁹¹ Bjale, Eliya o be a le phosithifi yeo e be e le therešo. O be a kwele Segalontšu sa Modimo. Ga go na potšišo go yena.

⁹² Gomme ga go potšišo ka pelong ya gago bošegong bjo, gore Modimo o sa fa Moya wo Mokgethwa boka A dirile mo Letšatšing la Pentecost, go tla direga. Ge go se potšišo gore O boloka Lentšu la Gagwe le go fodiša balwetši, e swanetše go direga. Eupša o swanetše go ba phosithifi ka yona. O swanetše ka kgonthe go e bona ka mahlo a kgonthe a tumelo, morago wa e amogela le go ema thwi fale.

⁹³ Gomme o bile le bontši go elelwa Modimo bakeng sa, ge a be a... Bjale o ne bontši go elelwa, se A se dirilego ka go wona matšatši.

⁹⁴ Mosadi wa moišwarahlephi yo Jesu a mo hweditšego ka Sikara godimo kua, gore o be a le Mosamaria, e bego e le a ke re batho ba thoko bao ba bego ka kgonthe ba dumetše Modimo. Ba be ba le e ka ba seripa sa Mojuda le seripa sa Montle, gomme ba be ba le mo—mo morafe. Ba dumetše go Modimo. Gomme yo monnyane yo, mosadi wa moišwarahlephi ka go seemo sa gagwe, a senyegile kudu ka sebe, gomme letšatši le lengwe mohlomongwe ba be ba ngenegile ka metlwae yohle ya bona ya bagolo, ya dipitša le diketlele, le mehlapišo, le go ya pele.

⁹⁵ O ile ntle letšatši le lengwe go sediba sa kgale sa Jakobo godimo kua, gomme o be a eya go theošetše pakete ya gagwe—ya gagwe, go ga meetse. Gomme o fetotše didiba. Oo, ka fao a ka go gopola gore go be go le Yena a dutšego fale yoo a rilego, “Ka go Yena go be go le Meetse a a phelago.” A mantsikinyane a bego a le go yena, ge Sediba sela sa go phela se utolotše dibe tša gagwe, le go mmotsa mo a bego a le phošo, le go hlatholla se a se dirilego go yena. Gomme e beile molaetša ka pelong ya gagwe, wo

o mmeilego mollong ka letago la Modimo; le ka toropongkgolo, le go banna.

⁹⁶ Bjale, le a tseba, gore ka kgonthe ga se semolao ka nageng yela, go mosadi go ya go kgabola mekgotha, gomme gagoglo mosadi a swailwego ka boitshwarohlephi. Eupša ke a le botša, ge a tlie a hlwekišwa le go nwa Meetse a maswa, o leka go mo emiša? Go be go le bjalo ka go leka—go leka go tima mo—mo mollong, goba ntlo e eswa, gomme go be go omile ka kgonthe, gomme phefo ya godimo ka go boso bja go oma, yeo ka kgonthe e bego e foka go kgabo yela.

⁹⁷ Gomme o be o ka se kgone go mo emiša, ka gore o be a hweditše se sengwe seo e bego e le sa nnete. Dibe tša gagwe di be di utollošwe. Gomme ge dibe tša gagwe le phošo di be di utolotšwe, o kcona go elelwa bošegong bjo, ka Letagong. O kcona go elelwa gore fao go be go le Mothopo wa gagwe. Go be go le lefelo moo, dithutotumelo tšohle le—le dikereke di be di mo ganne, eupša efela o hweditše sediba sa leganateng. O hweditše lefelo moo go nago le yo Mongwe Yo a tshwenyegilego. A go hlalala!

⁹⁸ Gomme re ka kcona go hlalala le yena bjang, rena ba re tlemetšwego fase ka dithutotumelo tše di re gogetšego kgole go tloga go Modimo, gomme re hweditše Mothopo o tletše ka Madi a a ntšhitšwego ditšhikeng tša Imanuele. Fale re lobile seemo sohle sa rena sa bonganga. Gomme—gomme re nwele go tšwa Mothopong le go lapoloswa. Gomme re elelwa yo Motee yo a go lefa poreisi, gore re kgone go ba le Moya wa Gagwe godimo ga rena, Jesu Kriste, Morwa wa Modimo. A mogopolgo elelwa ka wona!

⁹⁹ Ke a eleletša bošegong bjo gore Hagara o be a ka kcona go ba le se sengwe go nagana ka sona, le yena, ge a be a ntšheditšwe ntle, a sa kwešišwe. Bjale go na le ba bantsi ba rena mo ba ka naganago ka Hagara, bjalo ka ge a, yena a se a kwešišwa.

¹⁰⁰ Yo a sepelago bophelo bja maleba le Modimo, yo a tšeago ya go otlologa, tsela ye tshese, eupša a tsebago se go se kwešišwe go se rago? Ga ke kwešišwe. Motho yo mongwe le yo mongwe, lena bohole baena bao le lekago go phela gabotse, le lena dikgaetšedi, ga le kwešišwe.

¹⁰¹ Baagišani ba gago ba nagana o mmotlololo tsoko wa kgale, gomme ba leka go lahlela kgole go wena. “Gobaneng o sa tsene disosaete tše? Gomme gobaneng o sa be le diphathi tše tša dikarata, mola dilo?” Gomme o šikologa dilo tše. Ga o kwešišwe.

¹⁰² Kafao Hagara o ile a se kwešišwe. Gomme o bile le ngwana wa gagwe, Ishmaele yo monnyane, yoo a bego a le kenywa ya popelo ya gagwe, go tloga go lenyalo la semolao go monnamogatša wa gagwe Abraham. Gomme o be a le—o be a le mosetsana wa lekgoba. Gomme o be a filwe ke mongmosadi wa

gagwe, Sarah, go Abraham, go ba mosadimogatša; yeo, go nyala basadi ba bantsi go be go le molaong matšatšing ao. Gomme ka semolao o be a nyetšwe ke monna, ka gore o be a filwe go yena. O be a tswetše ngwana, feela se dikholo felo tša bona di bego di le. Ga se gona mosadi a se dirilego go tšwa tseleng. Gomme, efela, a sa kwešišwe ke mongmosadi wa gagwe, le go bewa ntle ka lešokeng go hwa. A lefelo go ba!

¹⁰³ Gomme meetse a be a fedile go tšwa lebotlelong. Mogolo wa Ishmaele yo monnyane o be o thoma go oma. O be a llela meetse. Go be go befabefi. Gomme pelo ya mme e nnoši e kgona go kwa lesea lela le lla ka tše nnyane, tša go omelela dipounama ka—ka leganateng felotsoko, go ngwana wa gagwe a nnoši, le go kwa mmele wa gagwe wo monnyane o omelela ntle, gomme o a hwa. Ga go meetse, feela maswika le lešabašaba, ge le ka lebelela ntle mo ka maganateng a Phoenix. Go se lefelo. Go se kwešišwe! A nako!

¹⁰⁴ O be a le fao, mosetsana wa lekgoba, sa mathomo, gomme o be a lekile go dira ka tsela ya maleba ye a bego a swanetše go dira. Gomme šo o na le lesea ka matsogong a gagwe, gomme le a hwa. Gomme o be a nyamile kudu. O le beile ka tlase ga sethokgwa se sennyane. Gomme o ile go rarela le sekotlelo, gomme o khunamile fase go rapela. Gomme go tšweletše sediba, oo, nna, “Sediba sa Yena yo a phelago gomme a mpona.” Se sa eme lehono. Se beilwe fale, ka tsela ye nngwe. Sediba sela se sa eme bjalo ka segopotšo.

¹⁰⁵ Ga ke na le thuto go lekanelo go e bitša. Eupša ke—ke e lekile, nakwana ya go feta, ge ke be ke ngwala dinoutso tše dingwe tše nnyane. Gomme ke—ke lekile go e kwalakwatša. Nka se kgone go e dira. Eupša le tseba se e lego. Ke—ke e bitša selo se tee, se sengwe. Ke rile, “Bokaonana ke se bolele seo. Go tla no bontšha go hloka tsebo ga ka gampe kudu.”

¹⁰⁶ Eupša selo se tee ke nyakago go se bolela. Ke tseba mo go lego Sediba se sengwe se sa go bewa fase ka Letšatši la Pentecost. Se nno bulega bosegong bjo bjalo ka ge se bile nako ge se be se butšwe morago kua, gomme meetse a no ba a maswa go monna goba mosadi yo mongwe le yo mongwe yo a nyakago go tšea tsela ya maleba le Lentšu la Modimo, le go sepela le Yena.

¹⁰⁷ Ke tla go sediba se, go gopola Jesu Yo a se dirilego go kgonega gore nna, motšwathoko, morwa wa letagwa, a ka kgona go tla godimo go Sediba sela le go lebalelwadi tša ka, le go nwa Bophelo bjo Bosafelego.

¹⁰⁸ Oo, ka fao Hagara a swanetše go be a ikwetše ge a bone seo gabotse! Se pholositše bophelo bja gagwe le ngwana wa gagwe. Ka kgonthe o kgona go gopola sediba sela sa leganateng, matšatši ohle a bophelo bja gagwe, le gohle—gohle go kgabola nako yeo a ka kgonago go e gopola.

¹⁰⁹ Re ka kgona go ya pele le pele, le baanegwa. Eupša, a re nong go nagana se, le se ke la foša go bona sediba sa lena bjale. Le se hlaiwe ke go bona lefelo la go lapolosa leo le tlišago Bophelo.

¹¹⁰ Jesu o be a rometšwe go tšwa go Herode go...go tloga go Pilato go ya go Herode, bakeng sa dikwero. Se a se fošitšego! Eng, bothata e be e le eng ka Pilato?

¹¹¹ Gomme ka gona ge Pilato a rometše Jesu go Herode, gomme ka gona Herode o be a le bošilo bjang. Ge, a kwele ka ga Gagwe, gomme o be a kwele ka bodiredi bja Gagwe. Gomme Pilato go beng Mojuda...Goba, Herode, ke a dumela e be e le, Herode o be a le Mojuda. Gomme a eme fale pele ga Gagwe! Gomme o be a le fao, a eme ka Bogoneng bja tsohle baprofeta ba profetilego ka tšona, ge e sa le go tloga Edene. A eme ka Bogoneng, gomme ga se a ke a kgopela tshwarelo ya sebe sa gagwe. Ga se nke—ga se nke—ga se nke...Ke a makala ge eba ebile o naganne, o tšere kgopolu ya bobedi, ya eng, Yo a bego a eme pele? Go molaleng ga se a ke a tseba ke Bogona bja Mang—bja Mang a bego a eme ka go bjona.

¹¹² Oo, le re, “Seo e be e le—seo e be e le go šiiša! Seo e be e le selo sa bošilo kudukudu.” E be e le. E bile selo sa bošilo kudukudu se monna a kilego a se dira. Gabotse, re nagana ka—ka fao a bego a le mo gobe.

¹¹³ Eupša emang motsotso. Re na le banna lehono ba dira selo se swanago, ba ema hleng le Mothopo wo o swanago, gomme ba sa dira phošo ye e swanago ye a e dirilego.

¹¹⁴ Baprofeta bohole, lebaka la mengwaga ye dikete tše nne ba Mo šupeditše. Eupša ka gobane ga se A tla ka tsela ya dithutotumelo tša bona, o rile O tla tla, ba Mo lelekela ntle.

¹¹⁵ Fao, nnete tlwa. Ke nnete tlwa. Ee, mohlomphegi. Ba sa Mo rakela ntle. Ga ba nyake selo go dira le yona, ntle le ge e etla go ya ka puku ya bona, le a tseba, tsela yeo pukwanangwalwa ya bona e e balago, le a bona. E swanetše go tla ka tsela yeo.

¹¹⁶ Oo, baprofeta bohole go kgabola mengwaga ye dikete tše nne ba boletše ka Yena, gomme šo O eme pele ga gagwe, gomme ga se nke a bolela selo ka ga, go kgopela bakeng sa go swarelwa. Šole yena ka Bogoneng, le phe—phe phethagatšo ya mantšu ohle a baprofeta ba Bahebere, a eme thwi pele ga gagwe, gomme ga se nke a kgopela tshwarelo. O nno ema fale. Oo, seo e be e le selo sa go šiiša!

¹¹⁷ Eupša re dira sa go swana lehono. Feela, re ema hleng le Yena, ka morago ga mengwaga ye dikete tše tshela. Re dira phošo ye kgolwane go feta Herode, le Pilato, le—le Kayafa, le baprista ba letšatši lela, gobane re ne mengwaga ye dikete tše pedi bontši ya rekoto e oketšwa. Gomme re sa dira phošo yela ya go swana. Feela, ke no...

¹¹⁸ Ke a nagana gore—gore Herode ga se nke ebile a e fa kgopolو
ya tlhokofalo.

¹¹⁹ Bjale, ke no makala re nagana ka go tlhoafelo bjang ka Le. O leka go šetša Lentšu le ka tlhoafelo bjang? Lentšu leo le ra eng go lena? A le a tseba gore ke Modimo ka sebopego sa go ngwalwa? Eupša re sesa thwi godimo ga lona, bakeng sa mohuta tsoko wa thutotumelo, le go re, “Matšatši a mehlolo a fetile. Ngk. Jones o boletše *bjalo le bjalo*, kafao seo se a e ruma.” Gomme, go le bjalo, Beibele ye e robetše ka lebenkeleng la puku le lengwe le le lengwe, gabotse kgauswi, Beibele e eme, dikereke. Gomme badiredi, le go ya pele, ba eme fale, le go bala ka godimo ga yona, le go e hlokonomologa, ka lebaka la thutotumelo, go leka go e bea morago ka go lebaka tsoko le lengwe.

¹²⁰ Bjalo ka ge ke dirile tshwayo, makga a mabedi goba a mararo ge e sa le go beng ka Phoenix, e nrathile kudu. Batho ba ka tsela yeo. Ka mehla ba tumiša Modimo bakeng sa se A se dirilego, le go lebelela pele se A tla se dirago, gomme ba hlokonomologa se A se dirago gonabjale. Ba a e dira. Ba šitwa go se bona.

¹²¹ Bjale, mohlomongwe Herode a ka be a tumišitše Modimo bakeng sa se ge A ntšhitše bana go tšwa lešokeng, go ya pele. Gomme ba rile, “Letšatši le lengwe O tla romela Mesia. Letago go Modimo! Re tla Mmona nako yeo.” Gomme O be a le mo, a eme thwi pele ga bona, gomme ga se ba ke ba Mo tseba.

¹²² “O be a le lefaseng, gomme lefase le dirilwe ke Yena, gomme lefase ga se le Mo tsebe. Eupša ba bantsi ba ba Mo amogetšego, go yena . . . ba filwe maatla go ba barwa ba Modimo.” Ke rata seo. Ee, mohlomphegi.

¹²³ Kua ka Bogoneng bja Gagwe, ke a nagana ga se a tsoge a tšea kgopolو ya tlhoafalo ka yona.

¹²⁴ Gomme ba bantsi lehono ba dira selo sa go swana, ga ba e tšee ka tlhoafalo. Ga ba tšee kgopolو ya go tlhoafalo. Ba nagana, “Bjale mo, ke ya kerekeng, gomme ke no ba gabotse go swana le ge le le.”

¹²⁵ Bjale, le no se nyake go tšea mokgwatebelelo woo. Le ka loka bjalo ka nna, gomme la se loke le gannyane. Le a bona? Eupša ga o nyake go dira monna e ka ba ofe mohlala wa gago. O nyaka go dira Modimo Mohlala wa gago, Jesu Kriste, gomme o nyaka go tšea Lentšu la Gagwe. Gomme ge o sa . . .

¹²⁶ Bjale, elelwang, Beibele e boletše, godimo ka go puku ya Kutollo. Ye ke kutollo ye e feletšego ya Jesu Kriste. “Mang kapa mang a tšeago Lentšu le tee go tšwa go Lona, goba a bea lentšu le tee go Lona, karolo ya gagwe e tla ntšhwa go tšwa Pukung ya Bophelo.” Kafao Yeo ke Kutollo.

¹²⁷ “Modimo dinakong tša kgale le ka mekgwa ya go fapano,” Bahebère 1, “o boletše le botate ka baprofeta, eupša matšatši a mafelelo ka Morwa wa Gagwe, Kriste Jesu.” Gomme, Kriste, o

ikutolla ka Boyena, a itira ka Boyena go tsebja, a tšea Lentšu la Gagwe gomme a no Le dira gore le gole.

¹²⁸ Ke eme letšatši le lengwe, ke bolela, ke a dumela, le Ngwanešu Carl Williams, go be go le mohlare wa mopalema. Ke a dumela e be e le Ngwanešu Carl, goba yo mongwe. Gomme ke rile, “A woo ga se mohlare wo mobotse?”

O rile, “Ee.”

Ke rile, “Ke eng? Molora wa bolekheno.”

¹²⁹ Seo ke sohle o lego, lerole la lefase, le bophelo ka go lona. Gomme bophelo bjoo e be e le mohuta wo o itsego wa bophelo, bo o dirile mohlare wa mopalema. Godimo fa go eme wo mongwe, ke mohuta wa go fapanwa mohlare. Ke mohlare wa mogo. Ke eng? Molora wa bolekheno go tloga lefaseng, ka bophelo bja mohlare wa mogo ka go wona.

¹³⁰ Gabotse, re lebeleleng. Ke rena eng? Go swana le mohlare wola, molora wa bolekheno, eupša le bophelo bja motho ka go wona. Gomme bophelo bjola bja motho ke bja lefase, gomme bo swanetše go boela morago lefaseng.

¹³¹ Eupša go na le Bophelo bjo bo tšwago Godimo, bjoo, motho, o phela ka Bophelo bjoo. Ke Bophelo bjo Bosafelego.

Go bošilo bjang! A re ka se kgone bjang go šetša seo ka tlhoafalo, bagwera?

¹³² Bjale, ga se maikutlo. Ga se go boloka bontši bja dithutotumelo. Ke boitemogelo. Ke Tswalo. Sa pele, o swanetše go itemogela lehu pele o ka kgona go hlatsela Tswalo. Go swana le, bea seo mothalong thwi: itemoge lehu, gomme morago hlatsela Tswalo. Peu ye nngwe le ye nngwe e swanetše go dira selo sa go swana. Gomme Peu ye ke Modimo. Gomme ge E beilwe ka pelong ya gago, e tšweletša Tswalo ya morwa wa Modimo.

¹³³ Gomme yeo ke tsela ye Jesu a bilego ge A be a le lefaseng. O rile, “Ke mang a ka go Nkahlola ka sebe? Ke mang a ka Mpeago molato, a ke re, wa sebe?” *Sebe* ke “gosedumele.” “Ge—ge le sa kgone go Ntumela, dumelang mediro.” “Phetlang Mangwalo. Ka go Wona le nagana gore le na le Bophelo bjo Bosafelego. Ke Wona a pakago ka Nna. Ke Wona a bolelagore Ke nna Mang. Gomme ge Ke sa fihlelele maswanedi ao, feela tlwa se Lengwalo le se boletšego, Tate o rile Ke tla ba, ge Ke etla; ge Ke sa fihlelele seo, gona Ke dirile phošo.”

¹³⁴ Oo, ge rena Bakriste, ge rena badiredi, ge rena banna, basadi, Mapentecostal, le ka moka ga rena, ge re sa kgone go tšeа se Modimo a rilego Kereke ya Gagwe e swanetše go ba, ge re sa kgone go ela go fihla go leemo le A le boletšego, gona re ka ahlolwa ka sebe, sa gosedumele. Re leka go bolela gore matšatši a mehlolo a fetile, le dilo tšohle tše dingwe tše, *tšela*, le *sagorelegore*, le *sagorelegore*, gona re ka pharwa molato wa gosedumele. Gobane, go ne sebe se tee feela, gomme seo ke

gosedumele. "Yo a sa dumele go o šetše a ahlotšwe." Le a bona? Ebile ga o ye go motheo wa pele ge o sa dumele. "Yo a tlago go Modimo o swanetše go dumela gore O gona, gomme Moputsi wa bao ba Mo nyakago ka kgonthe." Kafao go ka reng ge kereke . . .

¹³⁵ Seo ke se Modimo a se nyakago. Seo ke se Modimo a tla bago le sona, sehlopha sa batho bao ba ka rego, "Ke eng Jesu Kriste a e tshepišitšego? Ke eng e tshepišitšwego ka matšatšing a a mafelelo seo se sego sa bonagatšwa ka ren?" Amene. Gona re ka dula fase, ra Mo gopola, re Mo gopola ge re etla mmogo.

¹³⁶ Ge go na le e ka ba eng re e hlaelelago, a re e direng. Ge go na le e ka ba eng e hlaetsago le rena, a re yeng morago go seo. A re elelweng se A se nyakilego, e sego se re naganago re swanetše go ba le sona, eupša se A rilego re swanetše go ba le sona. Le a bona? Re swanetše go ba le yona ka tsela yeo, ka tsela ye A e boletšego. Eupša ke a makala ge eba re no . . .

Re re, "Gabotse, ke—ke—ke nna wa ye."

¹³⁷ Ke a makala ge eba o e fa monagano wa go hloafala, go tseba gore seo ga se re selo go Modimo. Seo ga se re selo. Herode ka kgonagalo—ka kgonagalo o rile, "Gabotse, bjale ema feela motsotsa fa. O a tseba ke nna mang?" Le a bona? Ga se nke a nagana ka go hloafala. Gomme re swanetše go nagana ka go hloafala.

¹³⁸ Le tseba se a se dirilego? Ge Kriste a beilwe pele ga gagwe, lekga la mathomo, yola baprofeta bohle, dihlalefi, le go theoga go kgabola mabaka, bale ba boletše ka Yena yo a etla. Gomme šole Oeme thwi pele ga gagwe. Le a tseba, wa gagwe . . . mo . . . Mo modirong, gore Modimo o beile Kriste pele ga Herode, o kgopetše feela bakeng sa setlošabodutu.

¹³⁹ Ke a makala, baena. A re naganeng ka tlhoafalo bjale. Rena batho ba Pentecostal, ke a makala ge eba re amogela Moya wo Mokgethwa feela bakeng sa boithabišo? Eupša go ne bontši go feta bjoo bo yago le Wona. Go ne bophelo bo swanetše go phelwa. Ke a makala ge eba yeo ke sešitiši sa dikereke tsa rena lehono, baena. Ke a makala ge eba leo ke lebaka gore re sa le morago fa ka lešokeng, re tsekella go dikologa, sebakeng sa gore godimo ka go Naga ya tshepišo, re le beng ba dilo tšohle? Ke a makala ge eba ga go se sengwe re sa se naganego ka go hloafala ka sona. Le a bona? Le swanetše go nagana ka go hloafala.

¹⁴⁰ Ge nkabe Pilato a dirile seo, a ka be a Mo lokolotše. Ge—ge Herode a ka be a dirile seo, a ka be a Mo lokolotše. Eupša ga se a nagana ka tlhoafalo, tiragalo ya gagwe ya mathomo.

Gomme ka gona o dirile eng? O kgopetše manka tsoko.

¹⁴¹ Oo, bona, seo ke se e lego sona lehono. Ba nyaka go dira Bokriste manka, boradia bjo bonnyane bjo o nago nabjo ka seatleng sa gago. Gomme, theetšang, batho ba Pentecostal, ebang go hlokofala ka go teba ka go dilo tše. Ge o bolela ka maleme,

le go fa tlhathollo, o be le nnete gore yeo ke tlhathollo. Le a bona? O se be le boradia. Ka baka la eng o nyaka boradia, ge Modimo a na le selo sa nnete sa gago? Le a bona? Gobaneng le amogela kemedi, ge mafaufau a tletše ka kgonthe. Le a bona? Le a bona? Re swanetše go hlokofala. Ga wa swanela go leka go no e hlokonomologa le go e feta. Ga ra swanela go dira seo. Ga ra swanela go kgopela manka.

¹⁴² Re swanetše go kgopela bakeng sa tirelo. Amene. “Morena, ge eba ke swanetše go ba legogwa la mojako, ntire legogwa le lekaonekaone O kilego wa ba le lona. E ka ba eng ke swanetše go ba, a nke ke be.” E sego, “Ntire . . . Ge nka se kgone go ba Billy Graham, goba Oral Roberts, gobaneng, ga ke ye go ba le gatee.” Le a bona? Gobaneng, o no ba bontši go naganwa bjalo ka Billy Graham le Oral Roberts, ge—ge o na le . . . ge o le legogwa la mojako, ge o le la Modimo. Modimo o hloka legogwa la mojako; O—O nyaka legogwa la mojako le lebotse. Yeo ke phetho. Le a bona? Ga go tshwenye.

Eupša re ya pele, go tšea gore re swanetše go ba *se goba sela*. Le se ke la dira seo.

¹⁴³ E no kgopela tirelo, eng kapa eng e lego yona. Le a bona? Eng kapa eng e lego yona, dumelela Modimo go kgetha tirelo ya gago. Le a bona? Gomme ka gona ge A go fa tirelo, elelwa gore ke Jesu yo a go hlahletše mo. O belegetše morero woo. Eba mo—mo mohlanka yo mokaone go Yena, e ka ba kae go lego. Ee.

¹⁴⁴ Jesu o rile, “Gobaneng le Mpitsa ‘Morena,’ gomme le sa dire dilo tšeо Ke le botšago go di dira?” Re swanetše go ithuta Lengwalo. Re swanetše go hwetsa ntle se lenaneo la Modimo le peakanyo e lego. O rile, “Le Mpitsa ‘Morena.’” O rile, “Eupša gobaneng le Mpitsa ‘Morena,’ ge le sa dire dilo tšeо—tšeо Ke le laelago go di dira?” Le a bona? Ee.

¹⁴⁵ *Morena* ke “bong.” Mongnaga ke mong wa na—na naga. Gomme batho, lehono, ka lethabo ba tla amogela Jesu bakeng sa Mophološi. Ga—ga ba nyake go ya heleng. Ba tla—ba tla Mo amogela bjalo ka Mophološi. Eupša ge go etla go “Morena,” oo, aowa. Huh—uh. Le a bona?

¹⁴⁶ Morena, ke, wena go ba phahlo ya Gagwe. Ge A nyaka legogwa la lebato, O go dira legogwa la lebato. Gomme o no ba o thabile, legogwa la lebato, bjalo ka ge o ka ba, naledi ya moso. Le a bona? Le a bona? Le a bona? Le—le—le nyaka . . . Re—re nyaka . . .

¹⁴⁷ Ga re nyake go ba le Yena “Morena.” Re nyaka Mophološi, eupša ga re nyake “Morena.” Ka gona O tla “Morena,” gomme O bolela le wena ka dilo tše di itše go tše Lentšu. “Gabotse, nna bjale, ga—ga ke tsebe ka Leo bjale, le a bona. Gabotse, feela . . . Ke no se kgone go eleletsa nna ke dira Seo,” lena bahumagadi fa.

O re, ke tla lapa morago ga nakwana. Aowa. Nka se ke.

¹⁴⁸ Ke tla ba bjalo ka ge moisa a boletše nako ye nngwe, o ile go rera tsošeletšo. O rile o rerile ka tshokologo; bošegong bja boraro, tshokologo; bošegong bja bone, tshokologo. O rerile beke ya go tlala ka tshokologo.

¹⁴⁹ Gomme modiša wa kereke le ba bangwe ba bona, ba tlide morago le go mmotša, ba rile, “Ngwanešu, ka kgonthre re—re thabela theroy a gago. Eupša a ga o ne ye nngwe?”

¹⁵⁰ O rile, “Oo, ee, mohlomphegi.” O rile, “Ke ne ye nngwe. Eupša a nke bohle ba sokologe, gona ke tla rera ka se sengwe gape.” Kafao, ee, mohlomphegi.

¹⁵¹ A nke kereke e thomiše go diABC tša yona. Gona re tla ya go dipalo nako yeo, ka fao—ka fao ba ka bago baprofeta, le go hwetša dimpho, le go ya pele ka mokgwa woo. Eupša sa pele a re ithuteng kgato ye ya mathomo, sa pele. Go ithuta go sepela pele o ka kitima, le a tseba. Kafao, gomme ge o lapišwa ke monna wa leoto, o ya go dira eng? Go lokile.

¹⁵² Eupša re—re nyaka go gopola Morena wa renna. Seo ke se o swanetšego go se gopola, gore ke Yena o mo direlago. Ga o hwetše dimpho tše go no ba le boipshino bjo bontši go tšwa go tšona. Yeo ke nnete. Ka morago ga tšohle, go na le ba bantši bao ba bolelagoo ka dimpho, bao ke nago le kgonthre, go tloga ka tsela ye ba itshwarago, ga ba tsebe ke eng. Le a bona? Le a bona?

¹⁵³ Mpho, dimpho tša Modimo, le dilo, ga se se sengwe seo se no go bapalwa ka sona. Dimpho tša Modimo ke tša mogau, gomme di lapile. Di a lapiša. A ga se Ja-... Ka Bogoneng bja Modimo, ga se go goeletša. Bogona, tše o no ba ditšegofatšo tša Modimo A di tšhollelago godimo ga lena. Le a bona? Eupša Bogona bja Modimo ke selo sa mathata.

¹⁵⁴ Ga ke nyake le lebale go hwetša theipi yela, ge le ka kgona, *Bahlomphegi, Ke Nako Mang?* Gomme elelwang seo.

¹⁵⁵ Jakobo, ge a robetše godimo ga mosamelo wola, leswika, bošego bjo bongwe. Gomme Morena o bonagetše go yena ka pono, gomme o bone Barongwa ba theoga le go rotoga. Ge a tsoga, o rile, “Le ke lefelo la go tšoša, ga se le lengwe ge e se ntlo ya Modimo.” Lefelo la go tšoša!

¹⁵⁶ Ge Jesaya moprofeta a profetile lebaka la mengwaga ye mentši, ka tlase ga Usia. Gomme ge Usia a tlošitšwe go yena, gobane o lekile go tše karolo ya moprista, gomme o ile a rathwa ka lephera gomme a hwa. Gomme Jesaya ka kgonagalo o bile mengwaga ye masomenne bokgale, masometlhano. Gomme o be a le moprofeta, oo, ge e sa le go tloga go lesea, gobane baprofeta ba a tswalwa. “Dimpho le dipitšo tša bona di ka ntlo ga tshokologo.” Gomme o be a le fao, mo—mo moprofeta wa Morena, tlase ka kua, a rapela, letšatši le lengwe, gomme a ipolela dibe tša gagwe tlase aletareng.

¹⁵⁷ Gomme ka pelapela, o tlie ka Bogoneng bja Modimo, gomme o bone Modimo a dutše ka Legodimong, le morumo wa kobo ya Gagwe. O bone Barongwabatuki ka difahlego tša Bona di khupeditšwe ka diphego, gomme maoto a Bona a apešitšwe ka diphego, le go fofa ka diphego, ba goelela, “Mokgethwa, mokgethwa, mokgethwa, Morena Modimo Ramaatlakamoka.” Ya.

¹⁵⁸ Gomme Jesaya o a gopola nako yeo gore leeto la gagwe le lennyane le be le se kudu. Ke eng a e llilego? O tsebile, mpho ya gagwe—ya gagwe, o be a se a dira gabotse ka yona. O be a le kgole. O rile, “Morena, ke motho wa dipounama tša ditšhila, gomme ke—ke—ke dula magareng ga batho ba dipounama tša ditšhila.” Gomme ka gona Morongwa... Le a bona, ke selo sa go tšoša. O rile, “Wa madimabe ke nna.”

¹⁵⁹ Ga se selo sa tšhegofatšo, le go goelela, le go goeletša. Seo ke se sebotse. Bjale, elelwang, ga ke ahlole seo. Eupša, ke a le botša, seo ga se se ke bolelagko sona.

¹⁶⁰ Ke maatla le Bogona bja Modimo, bjo bo tlišago poifo ye bjalo ye kgethwa, go fihla o golofetše ka Bogoneng bja Gagwe. Ka mehla o tla elelwa. O a e elelwa.

¹⁶¹ Gomme Jesaya o ile a elelwa, ge feela a be a phela. Ke a eleletša, ge disaga di be di ripa go kgabola mmele wa gagwe, o be a sa gopola Barongwa bale ba goeletša, “Mokgethwa, mokgethwa, Morena Modimo!” Ka kgonthe.

¹⁶² Jakobo, mo diiring tša gagwe tša mafelelo, o kgonne go gopola Barongwa bale ba rotoga le go theoga, gomme e be e le selo sa go tšoša kudu go yena.

¹⁶³ Ga se se batho ba naganago ke sona. Ke se sengwe go fapania. Se re hlokago go se dira ke go tla ka Bogoneng bja Gagwe, go Mo gopola, gore O re tlišitše mo e sego bakeng sa nyakalalo, eupša bakeng sa tirelo, o re tlišitše ka mo go—go Mo šomela.

O bile le se sengwe go gopola.

¹⁶⁴ Go reng ka Judase Iskariothe? O na le se sengwe go se gopola, le yena. Judase o ne se sengwe a se gopolago bošegong bjo. Ka kgonthe se gona. Gomme ka mehla o tla se gopola. Nnete. Gobaneng? O rekišitše Morena Jesu bakeng sa go ikhola.

¹⁶⁵ Ke a makala, bošegong bjo, ge eba ga go ba bantsi ba dirago selo sela sa go swana lehono, o rekiša ditokelotswalo tša gago bakeng sa go ikhola, ge o swanetše go ba o tuka bakeng sa Kriste. Ge o swanetše go be o Mo direla se sengwe, o šomela Yena, goba se sengwe, o ya go tšoena felotsoko mo o ka kgonago go phela ka tsela e ka ba efe o nyakago gomme wa fela o tleleima go ba Mokriste. Seo ke se lefase le se lebeletšego bošegong bjo. Lefase, ke rile, e sego modumedi.

¹⁶⁶ Modumedi o lebeletše tsela ye nngwe le ye nngwe ya go otloga a ka kgonago go sepela ka go yona, go loka.

¹⁶⁷ Eupša mosedumele o nyaka felotsoko mo a ka kgonago go ya le go no boloka boipolelo bja gagwe bja Mokriste, gomme ka gona go no phela tsela e ka ba efe a nyakago. Seo ke se setšhaba se se nyakilego bakeng sa mopresidente, gomme seo ke se ba nago le sona. Tlwa. Seo ke se—seo ke se kereke e se nyakago, seo ke se ba nago naso. Ee, mohlomphegi. Seo ke se o se hwetšago.

¹⁶⁸ Eupša modumedi o nyaka go tloša se sengwe le se sengwe go yena. “O nyaka go beela thoko sebe se sengwe le se sengwe, le boima bjo bo mo nyamišago ga bonolo; a ke a kitime ka kgotlelelo lebelo le le beilwego pele ga gagwe, a lebeletše go Mothomi le Mofetši wa Tumelo ya rena, Jesu Kriste.” Ya. Go Mo gopola, ge re beela thoko boima bjo bongwe le bjo bongwe. Basadi ba tlogela moriri wa bona go gola. Banna ba tlogela go ba Ricky, gomme ba tla godimo ka kerekeng le go dira se se lokilego, le yohle mehuta ye ya dilo. Gomme badiša le matikone lekgotleng la bona, ba nyetše makga a mararo goba a mane; le dilo tšohle tše, ba itšimeletša, ka gobane ba patela kudu go poleiti le tšohle; ba swanetše go kwatamela mokgatlo tsoko gobane ba tla go botša *wo* ke Wona, gomme Beibele e bolela se sengwe go fapana. “Beela thoko boima bjo bongwe le bjo bongwe.”

Gopolang Jesu. O bile go se tsebalege kudu.

¹⁶⁹ Rabi yo moswa e be e le Yo mongwe wa Banna ba bagologolo lefaseng, mo letšatsing ge A be a fodiša balwetsi le go dira se sengwe le se sengwe gabotse, go dira batho go fodišwa, le go fa pono go difofu, go laetsa batho, le go bonagatša Modimo ka bona, ka kgopololo ya monagano wa bona beng. O be a kgora go bolela le bona. O be a le Rabi yo mogolo.

¹⁷⁰ Eupša letšatši le lengwe O ile a dula fase gomme a thoma go ba botša Therešo ya Ebangedi. O be a sa tsebalege go tloga nako yeo go ya pele. Aowa, Yena ga se a ke. Selo sa pele le a tseba, gomme sehlopha sohle sa sepeletše kgole. Gomme ka gona ba masomešupa ba rile, “Ye ke polelo ye thata. Ke mang a ka e kwešišago?” Gomme ba sepeletše kgole.

Morago O eme le go botšiša barutiwa, “A le tla sepela le lena?”

¹⁷¹ Ba rile, “Re tla ya kae, Morena? Wena, o nnoši. Re rekišitše. Re komana, ga go kgathale se e lego. Re komana go ya.” A re Mo gopoleng ka mokgwa woo.

¹⁷² Gopolang, O be a le Mohlala wa rena. O dirile se sengwe le se sengwe, a ahlola Mofarisei yo mongwe le yo mongwe, a ahlola se sengwe le se sengwe sa lefase, o ile go kgabola lefase ntile le lefelo godimo ga Gagwe. O be a le Kwana e lekotšwego ke Modimo. O rile, “Yo ke Morwa moratwa wa Ka. Ke thabile gabotse ka go Yena.” O phetše bophelo bjo bo bjalo.

¹⁷³ Gomme ka gona O tšere sebe sohle sa lefase, sebe sa ka le sebe sa gago, gomme a se bea godimo ga Gagwe. Gomme ka gona le sethitho se etšwa dintšhing tša Gagwe tše kgethwa, bjalo ka

marothi a Madi, a tshwela godimo kua. E sego ka gobane O be a ne molato, eupša e be e le molato wa ka o dira seo, le molato wa gago.

¹⁷⁴ Gomme ge A ka kgona go direla wena le nna seo, re ka kgona bjang go ema godimo ka fase ga dithutotaelo le ditšiebadimo tša lefase, le dilo tša letšatši le la sebjalebjale? Re swanetše go gopola Morena wa rena, go gopola se A se lefetšego bakeng sa theko ye ya phološo. Le se tsoge la lewa ke dihlong ka lona. “Lokela go fa monna mang kapa mang boikarabelo ka kholofelo ye e khutšago ka gare ga gago.” Re swanetše go dira seo, baena.

¹⁷⁵ Re tla ka go diiri tša mafelelo bjale. Letšatši le a dikela. Tlhabologo e tlie go tšwa Bohlabela. Bjale e ka go Lebopo la Bodikela. E ka se sa ya pele. Sešitiši se fao, gomme sebe sohle sa lefase se pakela godimo, le go tokologa godimo ka go maphotho a dihlong a Hollywood. Se tshelatsheletše thwi morago ka kerekeng. Gomme a nako e lego yona! Re swanetše go gopola seo, baena.

¹⁷⁶ Gopolang Morena wa rena. O be a tla dira eng ge A be a eme mo lehono? O be a tla swarelela go Lentšu lela. Ka bogareng bja moleko wo mongwe le wo mongwe, O be a tla dula a le Lentšu lela. O e dirile. O be a le Mohlala wa lena.

¹⁷⁷ Ge Sathane a etla go Yena gomme a rile, “Fetola matlapa a go ba borotho,” O rile, “Go ngwadilwe...” Le a bona, kgafetšakgafetša ka Lentšu la Tate. Re swanetše go elelwā le go dira selo sa go swana. O be a le Mohlala wa rena. Ee, mohlomphegi.

¹⁷⁸ Baprista bale ba letšatši leo ba tla ba le bontši go gopola, le bona. Ba a e gopola bošegong bjo ka lefaseng la balahlegi.

¹⁷⁹ O re, “Ngwanešu Branham, a o ka bitša baprista bale...? Baprista ba bakgethwa, bao, e be e le banna ba bomodimo.”

¹⁸⁰ Bjale, ema motsotso. Ba itirile bonabeng ba bomodimo. Ba bile le bokgethwa bja maaka, bokgethwa bja maaka bjoo ka kgonthē bo bego bo se bja Modimo. Jesu o ba boditše pepeneneng, “Ke lena ba tataweno diabolo, gomme le tla dira mediro ya gagwe.” Gomme O ba boditše se ba bego ba le sona. Gomme ba na le bontši go gopola, le bona. Gobane, ge ba bone ponagalo yela ya mmapale ya Mesia, go netefatša gore O be a le Mesia, ka boomo ba E ganne le go re O be o le moyo wo mobe o dira seo. Ba rile, “E be e le Beletsebubu.”

¹⁸¹ Gomme Jesu o boletše gore seo e be e le maroga. “Mang kapa mang a ka bolelago lentšu kgahlanong le Moya wo Mokgethwa a ka se tsoge a lebaletšwe.” Ba na le bontši go gopola. A re se tšee lefelo la bona, baena. A nke seemo sa rena se se be bjalo ka sa bona.

¹⁸² Eupša ge eba ke swanetše go ba, a nke ke be boka Nathaniele, ke re, “Wena o Morwa wa Modimo. Wena o Kgoši ya Israele.” A nke ke eme bjalo ka yo mongwe wa bale. A nke ke eme.

¹⁸³ A nke lena basadi le eme bjalo ka mosadi mo sedibeng, ka fao a emego bošegong bjo. O na le bontši go gopola, bjalo ka ge re boletše ka bjona. O hweditše mothopo.

¹⁸⁴ Gomme bjale, baprista bale, ba tla ba . . . Gobaneng ba e dirile? Ka lebakala mona wo motala wa go seka. Yeo ke tsela e nnoši. Ba be ba fišega ka thutotumelo ya bona. Ba be ba le. Ba be ba fišega ka metlwae ya bona. Bagolo ba bona ba be ba hlomile motlwae wo o bego o le kgahlanong le Lentšu, gomme ba be ba fišega ka motlwae woo.

¹⁸⁵ Baena, a nke lena le nna re se ke ra swanelwa go arabela seo, phišegelo ya motlwae e ka ba ofe. A re gopoleng Jesu, se A bilego. Dulang le se A se boletšego. Ka feela mona wo motala wa go seka, ba dirile dilo tše. Oo, a selo! Ee, mohlomphegi. Ba . . .

¹⁸⁶ Monna wa mohumi o na le bontši go gopola, le yena. O ile a fiwa sebakabotse go amogela Jesu Kriste, eupša o ratile ditumišo tša batho go feta ditumišo tša Modimo. Gomme, gopolang, Beibele pepeneneng e bolela gore o e gopotše ka morago ga ge a hwile le ka heleng, gomme molaetša wa tla morago go yena, “Gopola, ka nako ya gago ya bophelo, o bile le sebakabotse.”

¹⁸⁷ Gomme Phoenix, o na le sebakabotse. Lefase le na le sebakabotse. Le se e dumelele go kgabaganya tsela ya lena gomme le šitwa go e bona, boka Herode le—le—le bontši bja bona ba dirile.

¹⁸⁸ Bjale, ba laetša gore baprista bale gabotse ba tsebile gore O be a le Mang, ka gore Nikodemo o e hlagišitše ge a etla. O be a le yo mongwe yo mogolo wa Bafarisei. O rile, “Rabi, re a tseba gore O morutiši go tšwa go Modimo, gobane ga go motho a ka kgonago go dira dilo tše ntle le ge Modimo a bile le yena.” Le a bona, ba e tsebile. Eupša, le a bona, ba swanetše go gopola seo. Ba tsebile bokaonana, eupša ga se ba e dira.

¹⁸⁹ A nke thutotumelo ya gago e go sware fase, go tloga go kolobetšo ya Moya wo Mokgethwa, ka gore ba go botša gore ga go selo se se bjalo.

¹⁹⁰ Mo dikgwedi di se kae tša go feta, ke be ke le ntle ka sepetlele go rapelela mosadi, ka toropongkgolo ya rena ka Indiana. Gomme fao go be go le mohumagadi yo monnyane a robetše fale, a nyaka go loka le Modimo. O be a . . . O be a le mokgelogi. O kile a tla kerekeng ya ka. O boetše morago ntle. Gomme, nnete, bodiabolo ba šupago ba tsene, gampe go feta ba kile ba ba. Gomme šole o robetše, ka sepetlele, o a hwa.

O rile, “Ngwanešu Branham, ga ke nyake go hwa ka mokgwa wo.”

¹⁹¹ Gomme ke rile, “Go lokile, kgaetšedi. Ga wa swanelo go, ge o sa ne kganyogo ka pelong ya gago go hlanckela Modimo. Yena ga se a ke a go tlogela. O Mo tlogetše, eupša Yena ga se a ke a go tlogela. Bjale o ka kgona, ge o ka kgona.”

O rile, “Ke—ke a nyaka, Ngwanešu Branham.”

Ke rile, “Go lokile, re tla rapela.”

¹⁹² Go be go le mohumagadi yo mongwe a robetše fao, ka dipounama tša gagwe fase, a ntebelela ka . . . ka mokgwa wo a bego a kgona go kitima go nkgabola, gomme yena le morwa wa gagwe. O be a robetše malaong; a eya go karo, letšatši pele. Gomme ke rile . . . Gomme ke mmone a eya, a lebeletše morwa wa gagwe, a lebeletše godimo go nna.

¹⁹³ Gomme—gomme ke rile, “A o a tshwenyega ge re ne lentšu la thapelo?”

O rile, “Goga garetene yeo.”

Ke rile, “Gabotse, ke . . . A o modumedi?”

O rile, “Ke rile, ‘Goga garetene yeo.’”

Ke rile, “Ke nno go botšiša.”

O rile, “Ke tla go fa o kwešiše, re Mamethodist.”

Ke rile, “Gabotse, seo ka kgontha se a e hlagiša gona, le a bona.” Le a bona?

¹⁹⁴ E be e le eng? O be a sa nyake go bona motho tsoko yo mongwe, wa go šokiša, mosadi wa go kgeloga a etla morago go Modimo. Bjale, o be a le Momethodist, go be go tla fapano, le a bona. A se gopole Jesu fale, le a bona. O nno gopola thutotumelo ya gagwe.

¹⁹⁵ E nong go gopola. Go lokile. Oo, a selo sa go befa se tla bago ka go Letsatši lela la Kahlolo.

¹⁹⁶ Dibeke di se kae tša go feta ke be ke nametše godimo ga lifiti ka Louisville. Ke be ke eya godimo bakeng sa tlhahlobo, tlhahlobo ya mmele, go ngaka mogwera wa ka, go hwetša go—go—go feta, ka fao ge ke nyaka go ya mošwamawatle le Ngwanešu Rowe le bona thwi. Gomme kafao ke naganne ke tla tšea ya mmele wa ka ge ke bile le sebaka, gomme ke ile godimo.

¹⁹⁷ Go—go be go le banna ba bangwe le rena, ba eya godimo lebatong. Re ile godimodimo, e ka ba mabato a seswai, ka Louisville, le ka moagong, gomme, kafao, moago wa Heyburn. Gomme ge ke be ke le godimo feela e ka ba bogodimo bjo re kgonnego go fihla, go ema, ba . . . Yo mongwe wa baisa ba o be a enwa gannyane, ke a nagana. O lebeletše go dikologa, a re, “Gabotse, bašemane, ke a thanka bjo ke bogodimo bjo re ka tsogego ra fihla.” O rile, “Bokaone a re fologeng.” Ga se nke ka bolela selo. O be a sa tsebe ke be ke le moreri. Kafao, ke nno leta go fologa.

¹⁹⁸ Ke rile, “Motsotso feels. Tshwao yeo o e dirilego.” Ke rile, “Ge re tshepetše go dipataka tša rena beng, bjo ke bogodimo re ka tsogego ra fihla, eupša,” ke rile, “ge re ka tshepela go Jesu! Mo gopoleng.” Amene.

¹⁹⁹ Re ka kgona go ya godingwana, ge re feta, bjalo ka ge baopedi ba Ngwanešu Outlaw ba boletše bošego bjo bongwe, Jupitere, Venus, Neptune, Mars, Tsela Ye Tšhweu ya Maswi, le go ya pele, le pele, le pele. Ga go phapano. Ka godimo ga tshepedišo ye nngwe le ye nngwe ya letšatši, go ya ka magodimong a Legodimo! Ke thabetše seo.

²⁰⁰ E nong go gopola gore O ile pele le godimo ga dilo tše bjalo ka tše. Ee. Ge re tshepetše go dipataka tša rena, ka kgonthe re lahlegile. Eupša ge re tshepela go dipataka tša Gagwe, re phološitšwe.

²⁰¹ Oo, re kgona go gopola Jesu ka mogaung wa Gagwe, gore O re phagamišeditše godimo le go e tshepiša, gore, le bjale, thwi bjale, ga ra swanela go tlengwa ke lefase. Le a bona? Ga ra tlamelwa lefase bjale. Re tlemetswe Legodimo. “Re šetše re hwile. Mapheolo a rena a fihlilwe ka go Yena, ka Kriste.” Gomme re tsošitšwe le Yena; e sego, ga ra—ga ra hwa le Yena. “Re tsošitšwe le Yena, gomme re dutše mafelong a Magodimong.”

²⁰² Go Mo gopola, a dutše ka mafelong a Magodimong! “Neng, Ngwanešu Branham?” Gonabjale. Ee. Re ka se tsošwe le Yena. Re šetše re tsogile le Yena. Ye ke Thakangwaga ya tsogo ya rena: e fetile go tloga lehung go ya Bophelong, le go phela go ya go ile; re dutše ka mafelong a Magodimong ka go Kriste Jesu, re šetše re tsogile le Yena go tšwa bahung. Ee. A selo sa letago se lego go dula ka mafelong a Magodimong le—le Jesu Kriste, Morwa wa Modimo! Ee, mohlomphegi. Re kgona go Mo gopola bjale, le ditshapiro tšohle tša Gagwe tše. A re diretšego, ge re sa dutše thwi fa bjale.

²⁰³ Ke be ke lebeletše sešupanako sela morago fale, gomme ke naganne “Nna, ke dira gabotse ka kgonthe. Ke a fetša mo bjale, iri ya bošupa.” Ke bile le e ka ba matlakala a mararo gape a dinoutse, gomme ke di kgoromeleditše morago ka tlase *fale*. Ge ke lebeletše tlase go sešupanako sa ka, gomme ke bone e be e se iri ya bošupa. Kafao ke naganne, “Ke dira gabotse ka kgonthe.” Ke bile kae? A ke lahlegile nako ye yohle? Ke tsebile ke—ke ikwetše gabotse kudu, eupša ga se ke tsebe ke ikwetše seo gabotse. Gomme—gomme ke tla... Ke tšwetšepele ke lebeletše sešupanako sela, gomme ke naganne go ne se sengwe sa phošo, felotsoko.

²⁰⁴ Gabotse, seo ke se se yago go direga, le lengwe la matšatši a, bagwera. Nako e ya go ema. Gomme re ya go tše. go otlela lefaufau ga rena go ya ka go Bokagosafelego, moo go sego nako gape. A go ka se makatše?

²⁰⁵ Eupša ge re sa dutše mo bjale, moo nako e sa rego selo go rena, re šetše re phagamišeditšwe godimo ka mafelong a Magodimong. Re ka kgona go gopola eng? Re ka kgona go gopola tshepišo ye nngwe le ye nngwe ye A re diretšego. “Ge le dula ka go Nna, gomme Lentšu la Ka le ka go lena, le ka kgopela se le se ratago.” A yeo ke nnete?

²⁰⁶ Ke kgona go gopola Mokgethwa Johane 5:24, “Yo a kwago Mantšu a Ka, gomme a dumela,” e sego go itiriša go dumela, bjale, eupša, “a dumela go Yena yoo a Nthomilego, o ne,” leo ke lebaka la bjale, “Bophelo bjo bosafelego, gomme a ka se tle ka go go lahlwa ga Kahlolo, eupša o fetile lehung go ya Bophelong.” Gomme re phela thwi bjale ka go Kriste Jesu, re dutše ka tša Magodimong. Seo ke se A se tshepišitšego. Re kgona go gopola.

²⁰⁷ Re kgona go gopola ka fao A boditšego, a itirilego Yenamong go tsebjia bjalo ka Mesia magareng ga batho. Badumedi ba e bone. Gomme re a gopola, ka go Mokgethwa Johane 14:12, gore O rile, “Yo a dumelago go Nna, mediro ye Ke e dirago o tla e dira le yena.” Re kgona go gopola O tshepišitšego seo.

²⁰⁸ Re kgona go gopola O tshepišitše ka matšatšing a mafelelo gore Moya wo Mokgethwa o tla bonagatšwa ka nameng ya motho, feela tlwa boka A dirile ka Sodoma pele e ka tshungwa. Re gopola Jesu o dirile tshepišo yela. Ke a e gopola. O boletše bjalo. Jesu o boletše bjalo. Ke e dumela feela bontši, ge nkabe ke dutše thwi fale gomme O mpoditše ka yona, gobane e thwi Fa, gomme yeo ke tsela ye ke dumelago Lentšu lela. Ke elelwa O boletše bjalo. Yeo ke phetho.

“Mediro ye Ke e dirago o tla e dira le yena.”

²⁰⁹ Ke a gopola, ke be ke bala ka Lengwalong, bošego bjo bongwe, moo Jesu a rilego, ge, “Ke na le dilo tše ntši go utolla go lena, ke a le botša. Eupša, lena, Nka se kgone go e dira bjale. Eupša ge Moya wo Mokgethwa o tlie, le a bona, O tla tliša dilo tše morago kelellong ya lena, gomme ka gona O tla le laetša dilo tše di yago go tla.”

²¹⁰ Ke gopola gore Moya wo Mokgethwa o boletše le go re, “Lentšu la Modimo le bogale go feta tšhoša e ka ba efe ya magalemabedi, le phuleletša go aroganya moko wa lerapo, gomme ke Mofenyeki wa dikgopolole maikemišetšo a pelo.”

²¹¹ Ke gopola gore Jesu o fetile go kgabola lešaba letšatši le lengwe, gomme mosadi yo monnyane o kgwathile seaparo sa Gagwe. Gomme o ile ntle kua le go dula fase, le ntle ka kua, a eme godimo, goba e ka ba kae a bego a le. Gomme Jesu a retologa gomme a re, “Ke mang yo a Nkgwathilego?”

²¹² Ge, Petro o naganne O lahlegetšwe ke monaganong wa Gagwe. O rile, gabotse, o Mo kgalemile le go re, “Gabotse, yo mongwe le yo mongwe o a Go kgwatha.”

²¹³ O rile, “Eupša Ke a bona. Ke ba wa go fokola. Maatla a ile.” O lebeletše gohle go dikologa. O hweditše mosadi yo monnyane, o mmoditše, “Taba ya gagwe ya madi. Tumelo ya gagwe e mo pholosítše.”

²¹⁴ Ke gopola gore Beibebe e a ruta, ka go Bahebere, gore bjale Yena ke Moprista yo Mogolo, oo, yo a kgonago go kgwathwa ke maikutlo a mefokolo ya rena. Yeo ke nnete.

²¹⁵ Ke gopola Beibebe e boletše, ka go Bahebere 13:8. Ke gopola Jesu. O dirile . . . Ka go Bahebere 13:8, O rile, “Jesu Kriste o a swana maabane, lehono, le go ya go ile.” Oo, re ka kgora go Mo gopola bjang! Ee, mohlomphegi. Oo, ka fao re . . .

²¹⁶ “Efela lebakana le lennyane gomme lefase ga le sa Mpona gape; efela lena le tla Mpona,” Kereke, modumedi, “gobane Ke tla ba le lena, ebile ka go lena, go fihla bofelong bja lefase.” Yeo ke nnete. “Nka se tsoge ka le tlogela.” Oo, ga e no ba se sengwe se se diregago lehono gomme se ile gosasa. Ke sa Gosafelego. “Nka se tsoge ka go tlogela. Nka se tsoge ka le tlogela.” Oo, nna! Seo se tla re dira re goelele, re goelele, re lle.

²¹⁷ Re nyaka go lekola se ka tlhoaafalo. Gopolang Jesu, e sego feela ka tsela ya go tlaruma. O tshepišitše se. Gomme ge seo e se sa loka, gona Beibebe ga se ya loka. Gomme gona re duletše eng fa? Ebile re phelela eng? Le leka bakeng sa eng? Matsapa a lena ke a eng? Le e tswela mphufutšo ka lebaka la eng? Ge e le nnete e ka ba efe, le gannyane, e ka ba nthathana ye nngwe le ye nngwe e lokile goba ga go le e tee ya yona e lokilego. Gopolang, e be e se lena goba nna, goba badiša ba lena, bao ba dirilego tshepišo. Ebile Jesu a dirilego ditshepišo tše. Ke a gopola O e boletše.

²¹⁸ Ke a gopola O rile, “Eyং ka lefaseng lohle gomme le rere Ebangedi go sebopiwa se sengwe le se sengwe.” Bokgole bjo bokae? “Lefase lohle.” Ya. Pedi tharong ya lona ga le tsebe selo ka Kriste le bjale. “Lefase lohle, go sebopiwa se sengwe le se sengwe. Maswao a a tla latela bona bao ba dumelago.” Ke a gopola O boletše seo. Ge nka kgora go gopola seo, nka kgora bjang go amogela se sengwe, gona, seo se bolelago gore letšatši leo le ile? Ke a gopola O rile, “Go lefase lohle, sebopiwa se sengwe le se sengwe. Gomme maswao a a tla latela bona bao ba dumelago.”

²¹⁹ Nka kgora bjang go ipea nnamong le sehlopha sa batho bao ba ganago Lentšu lela, mola Modimo a be a šeditše godimo Lentšu la Gagwe, go Le hlatsatša? Nka kgora bjang go ikgokaganya nnamong le basedumele?

²²⁰ O Modimo, a nke ke gopole Jesu. A nke ke gopole boemo bjoo A bo tšerego. A nke ke gopole gore Yena ke Mopholoshi wa ka. A nke ke gopole gore ke hwile. Ga ke sa le gona. Ke be ke hwile mengwaga ye masometharo tharo. Yo ke Kriste yo a phelago ka go nna.

²²¹ Gomme ge ke lebelela ntle le go mmona a dira dilo ka go se tlwaelege, go se hwetšege, gona ke a tseba gore ga se nke ka hwa; William Branham o sa phela; o sa phela. Ge feela o sa obamele melao ya Gagwe, gona o sa phela. Eupša ge o obamela molao wa Gagwe, “Ge le Nthata, bolokang polelo ya Ka.”

²²² Go makatša bjang, go nagana gore O tshepišitše se! “Efela lebakana le lennyane, gomme lefase le ka se Mpone gape. Lefase le ka se Mpone, eupša go le bjalo le tla Mpona.” Oo! “Kae kapa kae ba babedi goba ba bararo ba kgobokanego mmogo, Ke tla ba magareng ga bona.” Ke gopola seo. O gopola seo, ngwanešu? [Baena ba re, “Amene.”—Mor.]

²²³ “Gomme mediro ye Ke e dirago, ba tla e dira le bona.” Ke mediro ya mohuta mang A e dirilego? Ke lena bao. Le a bona?

²²⁴ “Oo, gabotse, nnete, bjale, Ngwanešu Branham, seo e be e le sa letšatši le lengwe. Ga se—ga se sela.”

²²⁵ Ke a gopola seo ke se A se boletšego. Ga ke gopole se o se boletšego. Seo sohle se ile, le a bona, eupša ke gopola se A se boletšego. Le a bona? “Yo a tla tlago ka morago ga Ka o tla ikgana yenamong,” a gana dikgopolo tša gagwe mong, a gana go nagana ga gagwe mong. O ka kgona go gana tatago, mmago, mosadimogatša wa gago, bana ba gago; eupša go na le se sengwe sa kgonthe kudu gore o ka se gane Sela. Se a go boloka. Gomme O fa.

²²⁶ Bjale a re nong go gopola tshepišo ye nngwe le ye nngwe ye A e dirilego, ge re inamiša dihlogo tša rena.

²²⁷ Tate wa rena wa Legodimong, go bile le dikgopelo tše dintši feela dinakwana di se kae tša go feta. Diatla tša go phagamišwa di tla godimo go tšwa gohle moagong. Eupša, Tate, Wena o Modimo yo a phelago. Gomme ke rapela Wena, Morena Jesu, go řegofatša batho ba. A nke Moya wo Mokgethwa wa Gago o dule godimo ga bona, o ba fe Bophelo bjo Bosafelego, o ba fe se ba se hlokago.

²²⁸ A re gopoleng, O dirile tshepišo. Ke wena yoo a nago maikarabelo bakeng sa tshepišo ye. A re gopoleng, ga go kgathale se yo mongwe gape a se bolelago, Wena o Tee. Ke Wena yo re lebeletšego go yena, go phethagatša tshepišo ya Gago. Ke Wena yo a boletšego, gore, “Yo a dumelago ka go Nna, le ge a hwile go le bjalo o tla phela. Mang le mang a phelago gomme a dumela go Nna a ka se tsoge a hwa.” Ke a gopola O boletsé seo, Morena.

²²⁹ Gomme ka gona O rile, bao ba dumetšego ka go Wena... Bjale, O rile, ge re dumela, re bile le Bophelo bjo Bosafelego. Gomme O rile, bao ba dumetšego ka go Wena, mediro ye O e dirilego ba tla e dira le bona.

²³⁰ Bjale, Tate, re a tseba gore O Modimo, gomme re a tseba gore ga go yo mongwe eupša Wena. Gomme re a Go dumela, gomme re a Go tshepa bjale, Leineng la Jesu Kriste.

Bjale, ka dihlogo tša lena di inamišitšwe.

²³¹ Ke ba bakae ka moagong wo ba ba tsebago gore ga le gopole Morena wa lena ka tsela yeo le swanetšego go Mo gopola? Gomme mafelelong a wo monnyane wo, Molaetša wa go rengwarengwa, o a rata go emiša diatla tša gago gomme wa re, “Modimo, itire Wenamong kgonthe bjalo go nna go fihla ke Go gopola godimo ga ya ka . . . Melao ya gago e tla ba godimo ga kota ya malao a ka? ‘Ke beile Morena ka mehla pele ga ka,’ bjalo ka ge Dafida a boletše. Morena, mphe bontši bja Gago, gore ke kgone go Go gopola.” Bea seatla sa gago godimo, e re, “Nthapediše, ngwanešu.” Seo se nyakile go ba mogohle ntle le maina. “Morena Jesu, nkgaogele.”

²³² Bjale, a go na le bale fa bosegong bjo ba sa nkago ba Mmolela bjalo ka Morena wa lena? Gomme bjale le ka no ema pele ga Gagwe . . . Gomme re le boditše, feela dinakwana di se kae tša go feta, gore O tshepišitše, gore, “Moo ba babedi goba ba bararo ba kgobokanego, Ke tla ba magareng ga bona.” Bjale, O tshepišitše seo. Gona, O swanetše go ba fa. Gomme ga se nke wa Mo amogela bjalo ka Morena wa gago?

²³³ A le tla dira selo sela sa phošo seo Herode a se dirilego? A le tla ba boitlemo bjola Pilato a bo dirilego, go Mo phaela thoko go yo mongwe gape? “Mme wa ka, o be a le Mokriste. Papa wa ka o na le bodumedi bja go lekanelia bja rena bohle.” A o ka dira seo? “Mosadimogatša wa ka ke mosadi wa bodumedi.”

²³⁴ Go reng ka wena? A o ka phagamiša diatla tša gago le go re, “Modimo, nkogopole. Ke modiradibe, gomme ke nyaka go loka le Wena. Ke tla phagamiša seatla sa ka”? Ke diatla tše kae ka mo di lego ka tsela yeo? A go na le . . . O ra gore ga go modiradibe ka moagong? Modimo a go šegofatše, mohumagadi. Modimo a go šegofatše, mohumagadi, fa. Ke wena fao. Ke naganne go be go na le se sengwe se gogago phošo fa. Ke . . .

²³⁵ Le a kwešiša, gore, Jesu o rile O be a le mo. Gomme O tseba megopolu ya gago, le a bona, ka pelong ya gago. Ke a go leboga bakeng sa tlhokofalo ya gago. Ka kgonthe, go na le bontši bao ba ka phagamišago seatla sa bona.

²³⁶ Eupša a o ka phagamiša seatla sa gago gona? E re, “Go- . . . Ngwanešu Branham, ke—ke no bapala karolo ya boikaketši. Ke ya kerekeng. Eupša ge ka kgonthe go etla go go tswalwa gape, ke no tšoena kereke. Ka kgonthe ga ke tsebe Kriste. Ke sa rata lefase bontši bjo nkilego ka bo dira. Ke—ke no . . . Oo, ke ipshina go ya, go theetsa molaetša goba se sengwe. Eupša ge ka kgonthe go etla go tsea nako le go rata go ya ntle, le go šomiša tsona diiri ka thapeleng le Yena, le go boledišana le Yena, go Mo gopola, ga—ga ke dire seo. Ebile ga ke ne tlhologelo go e dira. Ke a tseba gona, Ngwanešu Branham, nka se kgone go loka le go ba le mohuta woo wa maikutlo. Kafao, ke phagamišetša seatla sa ka go Modimo, ‘Nkgaogele.’” Phagamiša seatla sa gago. Botegela yona. Yeo ke

nnete. Modimo a go šegofatše. Yeo ke nnete. Ee, mohlomphegi. Morena a go šegofatše. Amene.

²³⁷ Ke nno leta, go bona ge eba Moya wo Mokgethwa o tla utolla se sengwe gape. Modimo a go šegofatše mohlomphegi. Modimo a go šegofatše. Nnete. Ke no Mo nyaka a puruputša pelo ya gago. Seo ke se A lego mo bakeng sa sona. Go lokile. Modimo a go šegofatše, mohumagadi yo monnyane. Seo se kaone kudu.

Feela ge o nagana ka yona, e tsee ka pelohlomogi bjale.

²³⁸ “Oo, Ngwanešu Branham, ke—ke swanetše go hlaganelang gae.” Theetšang. Le ya go itlhaganelang go tšwa bophelong bjo, letšatši le lengwe, le bjona. Le a bona? Naganang ka yona bjale. Ye ke iri. Ye ke nako.

²³⁹ O re, “Gabotse, ke a go botša. Modiša wa renā, ke—ke monna yo bohlale, wa go rutega kudu. Bokaone ke e kwe go tšwa . . .”

²⁴⁰ Ga e dire phapano ye e itšego ke mang yo a tlišago Molaetša. Ga se—ga se motsela. Ke Molaetša wo o o kwago. Le a bona? Ga go kgathale ke mohuta ofe wa monna a tla sepelago mo lebateng fale gomme—gomme a go fa molaetša gore—gore o—o ba mojabohwa wa ditolara tše milione, o tla amogela tše—tše tšelete. Amogela tshwarelo ya gago.

²⁴¹ Ka dihlogo tša lena di inamišitšwe bjale, le mahlo a lena a tswaletšwe, ke ya go le kgopela se sengwe ka tlhokofalo ka kgonthē. Gomme ke nyaka le mpotše therešo.

²⁴² Basadi, lena le aperego moriri wo mokopana, ke ba bakae ka kgonthē le ikwelago gore le swanetše go ba le moriri wo motelele? Phagamiša seatla sa gago gomme o re . . . Modimo a go šegofatše. Yeo e lokile. Ke a tseba o dirile. Ke—ke . . . Go na le dikholo felo go wena. Eupša ge o tlaboutšwe kudu, gore o ka se kgone go e dira, ebole ga o ikwele go ahlolwa, le a bona, gona go ne se sengwe se diregilego go wena. Gobane, Lentšu le rile o swanetše.

²⁴³ Ke ba bakae, lena basadi, le aparago dišothi le tšona diaparo, goba le kgogago disekerete; le—le lena banna, le lena, bao le tsebago gore le dira phošo? Gomme le re, “Ga ke nyake go dira seo, Ngwanešu Branham. Ka kgonthē ke rata Modimo, eupša seo—seo selo se no swarelela go nna. Gomme ke a tseba ke selo se sebe. Ke ya go phagamiša seatla sa ka. Ka go—ka go phagamiša seatla sa ka, ke kgopela Modimo go se šuthiša go tloga go nna.” Phagamiša seatla sa gago. Botega. Modimo a go šegofatše. Yeo ke nnete. Ya. Yeo ke nnete.

²⁴⁴ Seo ke tlhokofalo. Yeo ke potego. Modimo o tla re fa kopano ya phodišo ka motsotsa, ka tlhokofalo yeo. Re ka dumela seo. Go ba le tumelo go Modimo.

²⁴⁵ Tate wa Legodimong, O bone diatla. O tseba maemo a batho. O tseba se sohle se lego ka dipeleng tša bona, Morena. Ke a rapela gore O fa tebalelo go yo mongwe le yo mongwe wa bona. Gomme, bjale, ba fe tlhologelo ya pelo ya bona. Tloša mahloko a pelo a

bona. Dira seo, Morena, se ba se hlokago go se tseba. Ke a rapela gore O tla e fa go bona, ka Leina la Morwa morategi wa Gago, Morena wa rena Jesu. Re e kgopela bakeng sa letago la Modimo. Ke ba neela go Wena, Tate Modimo, gore O tla dira mošomo wa Gago ka go bona, ka Leina la Jesu Kriste. Amene.

²⁴⁶ Bjale, ge o phagamiša hlogo ya gago. Ke ba bakae ba ikwelago phapano ye ntši ka yona, e no emiša seatla sa gago, e re, “Ke ikwela phapano ye ntši.” Bjale, ke ba bakae ba tsebago gore O tshepišitše gore O—O “Morena o fodiša malwetši a rena ohle”? A le dumela seo? A le ka dira?

²⁴⁷ Ke ba bakae ba lena ba dumelago gore O tshepišitše se, gore, “Lebakana le lennyane gomme lefase le ka se Mpone gape, efela le tla Mpona”? Le dumela seo? [Phuthego e re, “Amene.”—Mor.] A le a dumela go a kgonega gona, ge Bahebere 13:8 fa e rile, “Jesu Kriste, wa go swana maabane le go ya go ile,” le a dumela go a kgonega gore re kgone go bona Modimo? [“Amene.”] Re tla Mmona bjang? Ka go ponagalo ya Moya wa Gagwe, Sephedi sa Gagwe sa go phela. A le tla dumela seo? [“Amene.”]

²⁴⁸ Ke ya go kgopela baena ba ka go se rapele go ye, morago kua. Feela, nthapedišeng. A nke batheeletši, nako ye. Re tla go kopano mo matšatšing a se makae, gomme mohlomongwe re tla swara seo.

²⁴⁹ Ke nyaka batheeletši ba ka go taolo e tee. Ke nyaka go tšeedla meboya ye ka tlase ga taolo ya ka, ka Leina la Jesu Kriste, bakeng sa letago la Gagwe, gore Moya wa Gagwe o ke o šome le go netefatša go lena gore O sa phela.

²⁵⁰ Ke tšea Lentšu la Gagwe mo. Le boletše gore, Mokgethwa Johane, Mokgethwa Johane tema ya 14 gomme temana ya 12, e rile, “Yo a dumelago ka go Nna, mediro ye Ke e dirago o tla e dira le yena.” A le dumela seo? [Phuthego e re, “Amene.”—Mor.]

²⁵¹ Gona, yo mongwe le yo mongwe wa lena batho ntle fale, yoo a babjago goba a hloka, goba a hloka se sengwe, le a rapela. E no kgwatha, gopolā, morumo wa kobo ya Gagwe. “Ke Moprista yo Mogolo yo a kgonago go kgwathwa ke dikwi tša mefokolo ya rena.”

²⁵² A Beibele e bolela seo, baena? [Baena ba re, “Amene.”—Mor.]

²⁵³ Gomme ka gona O be a tla dira bjang, ge A be a le Moprista yo Mogolo? Tsela ya go swana A dirilego ge A be a le mo, gobane Ke Moprista yo Mogolo wa go swana. O be a tla e dira bjang? Ge mmele wa Gagwe e le Sehlabelo godimo ga Terone ya Modimo, O kgonne bjang go e dira? O rometše Moya wa Gagwe morago, Moya wo Mokgethwa. “Gomme O tla tšea dilo tšeо e lego tša Ka, le go le bontšha tšona.” Bjale, ge le nyaka go bona ge eba Modimo...

²⁵⁴ Lebaka le ke thekgilego se godimo ga se, go tseba se, ke a tseba gore Molaetša wo ke o rerelago batho ke Therešo. Ke—ke—

ke dumela seo ka pelo ya ka yohle. Le ge, Le ripa go tloga *mo*, gannyane ga nthathana ka tsela *yeo*; e sego go ba le lenyatšo, e sego go ba yo a fapanego, eupša go botega. Gomme, kagona, ke a tseba O boletše seo. Ge A ka tsea dilo tše e bego e le tša Modimo . . . Gomme se se swanetše go go dira gore o se tsebe. Ge A tsea dilo tše e lego tša Kriste, gomme a tla di laetša go lena, gomme a le laetša dilo tše di tlago, le go dira yona mediro *yeo* A e dirilego, woo ke Moya wo Mokgethwa. E swanetše go ba.

²⁵⁵ Rapela bjale, gomme o kgwatha kobo ya Gagwe. Ke tla ineela nnamong go Yena, le go bona se A tla se bolelago go wena. E no rapela.

²⁵⁶ A go na le ba bangwe mo ba sego ba ke ba tsoge ba ba ka kopanong pele? A o ka phagamiša seatla sa gago? Ee, go na le bontši.

²⁵⁷ Elelwang, Jesu Kriste ga se nke le neng le neng a tteleima go fodiša batho. O rile, “Ga se Nna yoo a dirago mediro. Ke Tate wa Ka,” le ka go Mokgethwa Johane, tema ya 5 gomme temana ya 19.

²⁵⁸ Ge A fetile go kgabola mogobeng wa Betheseda, gomme fao go be go robetše mašaba a magolo, a dipalo tša batho, mohlomongwe dikete di robetše fale, dihlotsa, difofu, digole, baphetlegi, O ile go monna yo mohlomongwe a bego a na le bothata bja proseteite, goba a ka no ba a be a na le bolwetsi bja mafahla. Bo be bo dibilwe. O bile le yona lebaka la mengwaga ye masometharo seswai. Gomme O mmoditše, “Tšeа malao a gago gomme o ye ka ntlong.”

²⁵⁹ Monna o be a kgona go sepela. O rile, “Ge ke etla tlase, yo mongwe gape . . .” Gomme go be go le banna fale ba arogilego go feta a bile.

²⁶⁰ Eupša Jesu o tsebile gore o be a le fao, gomme o tsebile o be a le ka leemong leo. Ge A be a botšišwa, O rile, “Ruri, Ke re go lena, Morwa ga a kgone go dira selo ka Boyena. Eupša se A bonago Tate a se dira, seo Morwa o se dira go swana.”

²⁶¹ Leo ke leemo la Gagwe la go swana lehono. Ga go moprofeta, ga go yo a kilego a kgona go dira e ka ba eng ka ntle ga boikemo bja thato ya Modimo, yeo ke nnete, se Modimo a se ratago.

²⁶² Ga ke tsebe. Ke nyaka, ge . . . Leo ke lebaka. Ke tseba sehlopha sa badiredi ba ba dutše go fa. Ga go na bontši kudu ntle fale bao ke ba tsebago. Ge nka Mmona godimo ga yo mongwe, ke tla leka go, ge ke rata, ke botša batho gore ke ba tsebile.

²⁶³ Le rapele, gomme le bone ge eba O sa le Moprista yo Mogolo yoo a kgonago go kgwathwa. Seo se tla Mmea thwi fa pele ga rena, gomme le tla bona gore O fa. A yeo ke nnete? E reng, “Amene.” [Phuthego e re, “Amene.”—Mor.] Ka kgonthe e tla Mo dira fa. E no ba le tumelo.

²⁶⁴ Mohumagadi yo monnyane šo o dutše thwi mo ka hlogo ya gagwe godimo ka moyeng, o rapela feela ka maatla ka mo a

kgonago. O be a apere jase ye tala, a dutše thwi fao. O rapediša seemo se se lego ka hlogong ya gagwe. Gore o... Seo se a mo tshwenya. A ke nnete, mohumagadi? Phagamišetša seatla sa gago godimo ge go le bjalo. Ge ke le mosetsebję go wena, šišinya seatla sa gago morago le pele. Se go tlogetše bjale.

²⁶⁵ O re, a o ka ntirela monyetla ge o sa le fao? Seetša sela se tima thwi godimo go mohumagadi a dutšego hleng le wena fale. O a rapela le yena. Ke nyaka go go botšiša se sengwe. O rile, "Nkgopole, Morena." Go lokile, O dirile. O tlaišega ka seemo sa saenase. Ge seo e le therešo, emišetša seatla sa gago godimo, gomme šišinya seatla sa gago. Ka moka gabotse. Fao ke lena. Le a bona?

²⁶⁶ Le a dumela? Bjale, "Lebakana le lennyane gomme lefase le ka se Mpone gape." Botšišang basadi bale. Le a ba bona. Ba botšišeng ge eba ke a ba tseba.

²⁶⁷ Mo, mo go dutše lesogana le dutše mo, le rapediša tatago lona. Ga se ka ke ka go tseba. Ga ke tsebe gore o mang. Aowa. Ga ke tsebe selo ka wena. Eupša o rapediša tatago. Ga a fa. O ka godimo ga meetse a magolo felotsoko. O tlaišega ka bothata bja mogodu. O ka Puerto Rico. Seo ke O RIALO MORENA. Yeo ke nnete. O a dumela.

Le bona se ke se rago?

²⁶⁸ Mohumagadi šo o dutše fa, o bonala a ne kgahlego, kuana ye khubedu. Mdi. Aldridge, Aldridge. Uh-huh. Ya. O tlaišega ka bothata bja pelo. O a dumela gore Modimo o tla go fodiša? Go lokile.

²⁶⁹ O ntirela monyetla? Go na le mohumagadi o dutše kgauswi fale, ka leina, Mdi. Cook. Mdi. Cook o ne bothata ka maoto a gagwe. Yeo ke nnete. Mdi. Cook, phagamišetša seatla sa gago godimo. Ge ke le mosetsebję wa go felela, phagamišetša seatla sa gago godimo. Go lokile. Eba le tumelo ka go Modimo.

²⁷⁰ Bea seatla sa gago godimo ga mosadi kgauswi le yena. Ke Mohumagatšana Russell. O tlaišega ka bothata bja leswafo. Phagamišetša seatla sa gago godimo, Mohumagatšana Russell, gomme eo e dumele ka pelo ya gago yohle, ge ke le mosetsebję go wena.

²⁷¹ Go reng ka wa go latela? Ya. Selo se nnoši o swanetšego go ba le sona ke tumelo.

²⁷² Mohumagadi kgauswi le yena o tlaišega ka bothata bja mogodu, le yena, gomme leina la gagwe ke Mdi. Dillman. Ge o ka dumela ka pelo ya gago yohle, o ka kgora go ba.

²⁷³ Mdi. Harmon, a dutšego hleng le yena, o sa tšwa sepetlele. O bile le ka—ka karol bakeng sa bo—bo bothata bja lelalegolo. O a dumela, Mdi. Harmon? Ge o dumela ka pelo ya gago yohle, o ka kgora go ya gae, wa dirwa go fola.

²⁷⁴ Ke ba bakae ba dumelago bjale?

²⁷⁵ “Lebakana le lennyane gomme lefase le ka se Mpone gape.” Gomme ka gona ke leka go reng? Gopolang, Jesu o tshepišitše. Jesu o rile, “Ke tla ba le lena, ebile ka go lena, go fihla bofelong bja lefase. Mediro ye Ke e dirago le tla e dira le lena.” Go gopola Jesu o tshepišitše dilo tše, Jesu o di tliša go phethega.

²⁷⁶ Bjale, gape, gopolang gore Jesu o tshepišitše, gore, “Yo a dumelago go Nna o na le Bophelo bjo bosafelego.” Lena ba le phagamišitšego seatla sa lena, lebakana la go feta, morago ga tirelo ye ya phodišo le tla tla godimo mo bjale le go ema mo bakeng sa thapelo? O tshepišitše go fa Bophelo bjo Bosafelego go swana le ge A tshepišitše phodišo.

²⁷⁷ Bjale, a le tsebile O tshepišitše se gape? “Maswao a a tla latela bona bao ba dumelago. Ge ba bea diatla go balwetši ba tla welwa ke maruru.” A le dumela seo? Bjale beanang diatla seng sa lena gona. Le a bona, O fa. Nka se kgone go go fodiša. O šetše a e dirile. Bjale bea diatla tša gago godimo ga yo mongwe, gomme o rapelele yo mongwe, thwi kgauswi le wena fao. Amene.

²⁷⁸ Bjale inamišang dihlogo tša lena gomme le rapele feela boka le dira ka kerekeng ya lena. Rapelang, “Morena Modimo, fodiša motho yo. Motho yo o a nthapelela.” Gomme e no kgopela Modimo go fodiša le go dira gabotse. E dumele ka pelo ya gago yohle. “Morena, ke dumela Jesu Kriste, wa go swana maabane, lehono, le go ya go ile.” Lentšu la Gagwe le ka se kgone go šitwa.

²⁷⁹ Gopolang, O tshepišitše, “Lebakana le lennyane gomme lefase le ka se Mpone.” Ga ba Mmone go lebelo la mpša bosegong bjo. Ga ba Mmone dipontshong tša diswantšho. Ga ba Mmone ka go dikereke tše fomale tše. Eupša le a Mmona. O mo. Gopolang, O e tshepišitše, gomme O mo go araba thapelo ya gago le go go fa tlhologelo ya pelo ya gago.

Beang diatla tša lena yo motee godimo ga yo mongwe gomme le rapele.

²⁸⁰ Morena Jesu, ke a tla, ke gopola gore O rile, “Ka Leina la Ka ba tla lelekela bodiabolo ntle.” Gomme ke lahlela moyo wo mongwe le wo mongwe wa gosedumele kgole go tloga go batheeletši ba, kgole go tloga go batho ba, bakeng sa letago la Modimo.



Go GOPOLA MORENA NST63-0122
(Remembering The Lord)

Molaetša wo ka Ngwanešu William Marrion Branham, setlogong o abilwe ka Seisimane ka Labobedi mantšiboa, Janaware 22, 1963, ka Southside Assembly Of God ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org